

家

妙蓮華經玄義

五之

家

C40  
4514  
201

C40-4514

丁翁上座講文感後石  
藏書印  
橫披於塔院座前  
為學者不敢許出殿  
當山二世鐵牛擬說



B 64853

妙法蓮華經玄義卷第五上

天台 智者 大師說

明最實位者即圓教位也此為十意一簡各義二明  
位數三明斷伏四明功用五明麤妙六明位興七明  
位廢八開麤顯妙九引經十妙位始終一簡各義者  
若圓別不同自有十意下辨體中說今約通別圓三  
句料簡一各通義圓二各別義圓三各義俱圓各通  
義圓者下文云我等今日真阿羅漢普於其中應受  
供養又云我等今日真是聲聞以佛道聲令一切聞  
此名與通藏同而義異何者彼但殺四住之賊無明

尚在此不生義偏故天女曰結習未盡華則著身今  
殺通別兩惑得如來滅度故殺賊義圓又彼是分段  
不生界外猶生實性論云二乘於無漏界生三種意  
陰今則分段變易二俱不生不生義圓彼是界內應  
供非界外應供淨名曰其供汝者不名福田則應供  
義偏今則普於其中應受供養則應供義圓彼但小  
乘從他聞四諦聲則聲偏聞偏今能令一切法界聞  
一實四諦佛道之聲使一切聞則聲聞義圓故知依  
義不依語從圓判位也名別義圓者如五十二位各  
與別同而初中後位圓融妙實隨自意語非是教道

方便依義不依語應從圓判位也各義俱圓者文云  
開示悟入皆是佛之知見佛一切種智知佛眼見此  
之知見無有缺減又入如來室坐如來座以如來莊  
嚴此則名義俱圓判於圓位也二明位數者又爲三  
一明數二引證多少三料簡數者人解不同有言頓  
悟卽佛無復位次之殊引思益云如此學者不從一  
地至一地又有師言頓悟初心卽究竟圓極而有四  
十二位者是化鈍根方便立淺深之名耳引楞伽云  
初地卽二地二地卽三地寂滅真如有何位次又有  
師言初頓悟至十住卽是十地而說有十行十迴向

十地者此是重說耳今謂諸解悉是偏取然平等法  
界尚不論悟與不悟孰辨淺深既得論悟與不悟何  
妨論於淺深究竟大乘無過華嚴大集大法華涅槃  
雖明法界平等無說無示而菩薩行位終自炳然  
又有人言平等法界定無次位今例難此語真諦有  
分別耶真諦無分別耶見真之者判七賢七聖二十  
七賢聖等今實相平等雖無次位見實相者判次位  
何咎大論云譬如入海有始入者到中者至彼岸者  
若見真判位如江河深淺若實相判位如入海深淺  
故普賢觀云大乘因者諸法實相大乘果者亦諸法

實相論諸次位非徒臆說隨順契經以四悉檀明位  
無妨還約七種以明階位謂十信十住十行十迴向  
十地等覺妙覺今於十信之前更明五品之位云云若  
人宿殖深厚或值善知識或從經卷圓聞妙理謂一  
法一切法一切法一法非一非一切不可思議如前  
所說起圓信解信一心中具十法界如一微塵有大  
千經卷欲開此心而修圓行圓行者一行一切行略  
言爲十謂識一念平等具足不可思議傷已昏沈慈  
及一切又知此心常寂常照用寂照心破一切法卽  
空卽假卽中又識一心諸心若通若塞能於此心具

足道品向菩提路又解此心正助之法又識已心及凡聖心又安心不動不墮不退不散雖識一心無量功德不生染著十心成就舉要言之其心念念悉與諸波羅蜜相應是名圓教初隨喜品位行者圓信始生善須將養若涉事紛動令道芽破敗唯得內修理觀外則受持讀誦大乘經典有助觀之力內外相藉圓信轉明十心堅固金剛般若云一日三時以恆河沙身布施不如受持一句功德初品觀智如目次品讀誦如日日有光故目見種種色論云於實名了因於餘名生因福不趣菩提二能趣菩提聞有巨益

意在於此是名第二品位行者內觀轉強外資又著圓解在懷弘誓熏動更加說法如實演布安樂行云但以大乘法荅設以方便隨宜終令悟大淨名云說法淨則智慧淨毗曇云說法解脫聽法解脫說法開導是前人得道全因緣化功歸已十心則三倍轉明是名第三品位上來前熟觀心未遑法事今正觀稍明卽傍兼利物能以少施與虛空法界等使一切法趣檀檀爲法界大品云菩薩少施超過聲聞辟支佛上當學般若卽此意也餘五亦如是事相雖少運懷甚大此則理觀爲正事行爲傍故言兼行布施事福

資理則十心彌盛是名第四品位行人圓觀稍熟理事欲融涉事不妨理在理不隔事故具行六度若布施時無二邊取著十法界依正一捨一切捨財身及命無畏等施若持戒時性重譏嫌等無差別五部重輕無所觸犯若行忍時生法寂滅荷負安耐若行精進身心俱淨無間無退若行禪時遊入諸禪靜散無妨若修慧時權實二智究了通達乃至世智治生產業皆與實相不相違背具足解釋佛之知見而於正觀如火益薪此是第五品位如此五品圓信功德東西八方不可爲喻雖是初心而勝聲聞無學功德具

如經說若欲比決取解類如三藏家別總四念處位義推如通教乾慧地位亦如伏忍位義推亦得是別教十信位云云私謂五品位是圓家方便初欲令易解準小望大如三藏之五停心初品圓信法界上信諸佛下信衆生皆起隨喜是圓家慈停心徧對治法界上嫉妬第二品讀誦大乘文字文字是法身氣命讀誦明利是圓家數息停心徧治法界上覺觀說法品能自淨心亦淨他心是圓家因緣停心徧治法界上自他癡癡去故諸行去乃至老死去兼行六度品是圓家不淨停心六蔽初名貪欲若捨貪欲欲因欲

法華經疏卷第五  
五十一  
果皆捨捨故無復報身非淨非不淨也正行六度品  
是圓家念佛停心正行六度時卽事而理理不妨道  
事妨於道卽事而理無障可論大意如此云云一明  
十信位者初以圓聞能起圓信修於圓行善巧增益  
令此圓行五倍深明因此圓行得入圓位以善修平  
等法界卽入信心善修慈愍卽入念心善修寂照卽  
入進心善修破法卽入慧心善修通塞卽入定心善  
修道品卽入不退心善修正助卽入迴向心善修凡  
聖位卽入護法心善修不動卽入戒心善修無著卽  
入願心是名入十信位纓珞云一信有十十信有百

百法爲一切法之根本也是名圓教鐵輪十信位卽  
是六根清淨圓教似解煥頂忍世第一法普賢觀明  
無生忍前有十境界卽此位也入此信心能破界內  
見思盡又破界外塵沙無知能伏無明住地之惑仁  
王般若云十善菩薩發大心長別三界苦輪海亦此  
位也此位經經出之不同華嚴法華菩薩荅正念天  
子明菩薩觀十種梵行空學十種智力入初住十種  
梵行空卽一實諦亦無作之滅諦學十種智力卽觀  
無作之道諦卽十信位也若大品云譬如入海先見  
平相亦是是乘從三界中出也仁王般若普賢觀如

法華經疏卷第三  
法華經疏卷第三  
六  
前引下文入如來室座衣等卽是修四安樂行行處  
近處涅槃云復有一行是如來行所謂大乘大論云  
菩薩從初發心卽觀涅槃行道若觀涅槃行道生相  
似解卽是一行如來行也云二明十住位者以從  
相似十信能入十住真中智也初發心住發時三種  
心發一緣因善心發二了因慧心發三正因理心發  
卽是前境智行妙三種開發也住者住三德涅槃也  
緣因心發卽是住不可思議解脫首楞嚴定慧心發  
卽是住摩訶般若畢竟之空正因心發卽是住實相  
法身中道第一義舉要言之卽是住三德一切佛法

也又住清淨圓滿菩提心無緣慈悲無作誓願普覆  
法界又住一念中成就一切萬行諸波羅蜜又住一  
切種智圓斷法界見思無明又住得佛眼圓見十法  
界三諦之法又住圓入一切法門所謂二十五三昧  
冥益衆生又成就菩薩圓滿業能顯一切神通謂三  
輪不思議化彌滿法界顯益衆生又能成就開權顯  
實入一乘道又能嚴淨一切佛土能起三業供養一  
切十方佛得圓滿陀羅尼受持一切佛法如雲持雨  
又住能從一地具足一切諸地功德心心寂滅自然  
流入薩婆若海華嚴云初住菩薩所有功德三世諸

法華經疏卷第五  
佛歎不能盡若具足說凡人聞迷亂心發狂私謂初  
住成就十德應是十信中十法轉似爲真一住具十  
細意尋之對當相應何者十信百法爲一切法本豈  
不得作此釋耶初住既爾三觀現前無功用心斷法  
界無量品無明不可稱計一往大分略爲十品智斷  
卽是十住故仁王云入理般若名爲住卽是十番進  
發無漏同見中道佛性第一義理以不住法從淺至  
深住佛三德及一切佛法故名十住位此位諸經出  
處不同華嚴云初發心時便成正覺了達諸法真實  
之性所有聞法不由他悟是菩薩成就十種智力究

竟離虛妄無染如虛空清淨妙法身湛然應一切當  
知卽是發真無漏斷無明初品也淨名云一念知一  
切法是爲坐道場成就一切智故亦是入不二法門  
得無生忍也大品明從初發心卽坐道場轉法輪度  
衆生當知此菩薩爲如佛亦是阿字門所謂一切法  
初不生也卽是今經爲令衆生開佛知見亦是龍女  
於利那頃發菩提心成等正覺卽是涅槃明發心畢  
竟二不別如是二心前心難此諸大乘悉明圓初發  
心住位也乃至第十住云三明十行位者卽是從  
十住後實相真明不可思議更十番智斷破十品無

法華經疏卷第五  
法華經疏卷第五  
八七  
明一行一切行念念進趣流入平等法界海諸波羅  
蜜任運生長自行化他功德與虛空等故名十行位  
也十迴向位者卽是十行之後無功用道不可思議  
真明念念開發一切法界願行事理自然和融迴入  
平等法界海更證十番智斷破十品無明故名迴向  
也十地位者卽是無漏真明入無功用道猶如大地  
能生一切佛法荷負法界衆生普入三世佛地又證  
十番智斷破十品無明故名十地位也等覺地者觀  
達無始無明源底邊際智滿畢竟清淨斷最後窮源  
微細無明登中道山頂與無明父母別是各有所斷

者各有上士也七明妙覺地者究竟解脫無上佛智  
故言無所斷者名無上士此卽三德不縱不橫究竟  
後心大涅槃也一切大理大誓願大莊嚴大智斷大  
徧知大道大用大權實大利益大無住大卽是前十  
觀成乘圓極竟在於佛過茶無字可說云故盧舍  
那佛名爲淨滿一切皆滿也二次引衆經明位數多  
少者大涅槃云月愛三昧從初一日至十五日光色  
漸漸增長又從十六日至三十日光色漸漸損減光  
色增長譬十五智德摩訶般若光色漸減譬十五斷  
德無累解脫三十心爲三智斷十地爲十智斷等覺

妙覺各爲一智斷合十五智斷月體譬法身大經云  
月性常圓實無增減因須彌山故有虧盈不增而增  
白月漸著不減而減黑月稍無法身亦爾實無智斷  
因無明故約如論智如實不智約如論斷如實不斷  
雖無智而智般若漸漸明雖無斷而斷解脫漸漸離  
舉月爲喻知是圓教智斷位也大經云從初安置諸  
子祕密之藏三德涅槃然後我當於此祕藏而般涅  
槃此卽最後智斷也問何得知月喻譬位耶荅仁王  
明十四忍三十心爲三般若十地爲十般若等覺爲  
一般若十四般若在菩薩心中皆名爲忍轉至佛心

名之爲智此與十五日明智位同勝天王明十四般  
若位正用十四日月爲譬故作此釋也大品明四十  
二字門語等字等南岳師云此是諸佛密語何必不  
表四十二位諸學人執釋論云無此解多疑不用但  
論本文千卷什師作九倍略之何必無此解耶今謂  
此解深應冥會何者經云初阿後茶中有四十初阿  
字門具四十一字後茶亦爾華嚴云從初一地具足  
一切諸地功德此義卽同經云若聞阿字門則解一  
切義所謂諸法初不生故此豈非圓教初住初得無  
生法忍過茶無字可說豈非妙覺無上無過廣乘品

法華玄義卷五  
明一切法皆是摩訶衍竟卽說四十二字門豈非圓  
教菩薩從初發心得諸法實相具一切佛法故名阿  
字至妙覺地窮一切法底故名茶字此義其數與圓  
位甚自分明又四十二字後卽說菩薩十地此是顯  
別教方便之次位也又次十地之後說三乘共十地  
此顯通教方便位也經文次比三義宛然今取四十  
二字以證圓位也此經分別功德品明初心五品弟  
子之位文甚分明法師功德品明六根清淨相方便  
品云諸佛爲一大事因緣故出現於世爲令衆生開  
佛知見四句南岳師解云開佛知見是十住位示佛

知見是十行位悟佛知見是十迴向位入佛知見是  
十地等覺位皆言佛知者得一切種智也皆言佛見  
者悉得佛眼也又經云是爲諸佛一大事因緣者同  
入一乘諸法實相也又云唯佛與佛乃能究盡諸法  
實相者卽是妙覺位也又譬喻品諸子門外索車長  
者各賜等一大車是時諸子乘是寶乘遊於四方嬉  
戲快樂自在無礙直至道場言四方者卽譬開示悟  
入四十位也直至道場卽是究盡實相妙覺位也序  
品中大雨四華表此四十因位也如上所引衆經爲  
證及引今文明四十二位炳然皆是無次位之次位

達於實相增道損生論次位耳三料簡者問無明覆  
佛性中道止作四十二品斷耶答無明雖無所有不  
有而有無不無階品一往大分爲四十二品然其品數  
無量無邊大論云無明品類其數甚多是故處處說  
破無明三昧又云法愛難盡處處重說般若也此諸  
圓位不可思議若專對法門尋者失意多別解別執  
則乖圓融之道如此等位莫以凡情局取不以凡心  
能宣華嚴云諸地不可說何況以示人且置是事若  
大乘懺悔發初隨喜圓信之心獲一旋陀羅尼已不  
可向人說雖種種分別亦不可解況後諸位二乘尚

不聞其名豈凡人能說此語有意大師自說已證也  
又且置是事聲聞學四念處發得煥法亦不可向外  
凡說盡設種種解亦不能知又置是事如人坐禪初  
發五支不可爲未證者說設方便說彼亦不解又置  
是事斷輪人不能以其術授其子況諸深法而可說  
耶末代學者多執經論方便斷伏諍鬪云如水性  
冷不飲安知此乃諸佛赴緣不思議語隨機增減位  
數不同爾未證得空諍何爲普願法界衆生歸僧息  
諍論入大和合海又以四句料簡圓位或開初合後  
或開後合初或初後俱開或初後俱合如大經明三

十三天不死甘露將臣共服此譬諸位開前爲三十  
心合十地爲一等覺爲一譬三十二臣喻於因位妙  
覺爲主譬於果位君之與臣同服甘露因之與果俱  
證常樂若不以圓位釋之此文難會是爲開初合後  
以明圓位也若十四般若合三十心爲三般若開十  
地爲十般若就等覺爲十四般若皆是因位轉入薩  
婆若卽是果位是爲合前開後以明圓位若四十二  
字門卽是初後俱開以明圓位若天雨四華表開示  
悟入遊於四方者此卽前後俱合諸經開合不同皆  
是悉檀方便而圓位宛然矣三明圓位斷伏者五品

已圓解一實四諦其心念念與法界諸波羅蜜相應  
徧體無邪曲偏等倒圓伏枝客根本惑故名伏忍諸  
教初心無此氣分大經云學大乘者雖有肉眼名爲  
佛眼譬中鳴勝諸鳥例如小乘伏煥佛法則有外道  
則無今此伏忍圓教則有三教則無十信之位伏道  
轉強發得似解破界內見思界內界外無知塵沙如  
經文云得三陀羅尼但名似道未是真道旋陀羅尼  
是旋假入真百千旋陀羅尼是旋真入俗法音方便  
正是伏道未得入中如纓珞從假入空觀雖斷見思  
但離虛妄名爲解脫其實未得一切解脫當知六根

雖淨圓教煥頂四善根柔順忍伏道位耳若入初住  
得真法音陀羅尼正破無明始名斷道見佛性常住  
第一義理名圓教無生忍十行十迴向十地等覺皆  
破無明同是無生忍位妙覺斷道已周究竟成就名  
爲寂滅忍若約位別判伏順二忍但伏不斷例如無  
礙道妙覺一忍斷而不伏例如解脫道無生一忍亦  
伏亦斷亦無礙亦解脫若論通義妙覺寂滅忍亦名  
無生忍大經云涅言不生槃言不滅不生不滅名大  
涅槃亦名伏忍仁王云從初發心至金剛頂皆名伏  
忍伏是賢義普賢菩薩居衆伏之頂伏忍既通順忍

可解伏順既其通上寂滅無生亦應通下思益云一  
切衆生卽滅盡定淨名云一切衆生皆如也如卽無  
生忍又就事爲無生就理爲寂滅又分證爲寂滅讓  
果爲無生若約因果亦有通別通者一切衆生卽大  
涅槃卽是約因論果佛性者名之爲因此卽約果論  
因大經云是果非因名大涅槃是因非果名爲佛性  
了見佛性乃是於佛故亦得是因云云等覺望妙覺  
爲因望菩薩爲果自下已去亦因亦因亦果亦果  
果約分別義者伏順二忍未是真因無生一忍未是  
真果從十住去名真因妙覺名真果云何伏順非真

因例如小乘方便之位不名修道見諦已去約真修道此義可知今順忍中斷除見思如水上油虛妄易吹無明是同體之惑如水內乳唯登住已去菩薩鵝王能啜無明乳清法性水從此已去乃判真因復次別教判三地或四地斷見盡六地或七地斷思盡此不應爾何者無明見思同體之惑何得前後斷耶當是別教附傍小乘方便說耳若見先盡則實理無復有障云何十地見不了了地持云第九離一切見清淨淨禪第九是等覺地入離見禪乃成大菩提果若見先斷等覺復何所離若思前盡後地應無果報及

諸禪定何者華嚴明阿僧祇香雲華雲不可思議充塞法界者此是菩薩勝妙果報所感五塵呼此爲欲界思惑一切菩薩皆入出無量百千三昧禪定心塵之法呼此爲色無色界思惑若七地思盡上地應絕六塵何故復言三賢十聖住果報若住果報思不前盡今明如此見思通至上地至佛方盡故云唯佛一人居淨土唯佛一人能盡源是故伏斷如前分別云  
問界內必先斷見次思後無知界外何意不爾答  
界內爲三途苦重先斷見次思後及無知界外苦輕故先枝後本又思無知不障偏真爲見真理故先除

見界外塵沙是體上惑遠能障理先卻逐障次喻近障云復次三藏中後身菩薩及超果二乘見思同斷亦先斷思云不起果者前後斷耳通教亦有超不起二義別教前後斷圓教同斷前後之間但見一途耳云四明功用者若分字解義功論自進用論益物合字解者正語化他五品之位理雖未顯觀慧已圓具煩惱性能知如來祕密之藏堪爲世間作初依止依止此人猶如如來當知不久詣於道樹近三菩提一切世間皆應向禮一切賢聖皆樂見之若六根似解圓觀轉明長別苦海能以一妙音徧滿三千

界隨意之所至一切天龍皆向其處聽法其人有所說法能令大衆歡喜猶是第一依止涅槃標四依義通圓別人師多約別判地前通名初依登地至三地斷見盡名須陀洹至五地侵思名斯陀含是第二依至七地思盡名阿那含是第三依入地至十地欲色心三習盡名阿羅漢是第四依若推圓望別應約十住明三依對住前爲四依若始終判者五品六根爲初依十住爲二依十行十迴向爲三依十地等覺爲四依從初住已上總論功用若豎功未深橫用不廣豎功若深橫用必廣譬如諸樹根深則枝闊華葉亦

法苑珠林卷第五  
多初住豎破一分無明獲一分二十五昧顯一分  
我性論其實處不可思議依於教門橫則百佛世界  
分身散影作十法界像利祐衆生如是住住豎入倍  
倍轉深無明漸漸盡三昧轉轉增我性分分顯橫用  
稍稍廣千佛界萬佛界恒沙佛界不可說不可說佛  
界徧如是界入相成道教化衆生況餘九法界身耶  
諸行諸地亦復如是論其滿足唯佛與佛乃能究盡  
無明之源故經言如佛心中無無明唯佛法王住究  
竟王三昧毗盧遮那法身橫周法界豎極菩提大功  
圓滿勝用具足云五通諸位論麤妙者小草止免

四趣不動不出中草雖復動出智不窮源恩不及物  
上草雖能兼濟減色爲拙小樹雖巧功齊界內故其  
位皆麤大樹實事同緣中道皆破無明俱有界外功  
用故此位爲妙而別教從方便門曲逕紆迴所因處  
拙其位亦麤圓教直門是故爲妙又三藏菩薩全不  
斷惑望圓教五品有齊有劣同不斷惑是故言齊五  
品圓解常住彼全不聞常住是故爲劣若三藏佛位  
斷見思盡望六根清淨位有齊有劣同除四住此處  
爲齊若伏無明三藏則劣佛尚爲劣二乘可知當知  
三草蒙籠生用淺短故其位皆麤若乾慧地性地望

五品位有齊有劣例前云若八人六地見思盡七地修方便至佛斷習盡望圓教似解有齊有劣例前可解當知小樹之位未有干雲婆娑之能是故皆麤若別教十信望五品位有齊有劣同未斷惑是故為齊十信歷別五品圓解此則為優別教十住斷通見思十行破塵沙十迴向伏無明祇與圓家十信位齊優劣云若登地破無明祇與圓家初住齊何者若十地十品破無明圓家十住亦十品破無明設開十地為三十品祇是圓家十住三十品齊若與為論圓家不開十住合取三十心為三十品與別家十地三

十品等者則十地與圓家十迴向齊若奪而為論別家佛地與圓家初行齊與而為論別家佛地與圓家初地齊故知別教權說判佛則高望實為言其佛偈下譬如邊方未靜授官則高定爵論勳置官則別教權說雖高而麤圓教實說雖低而妙此譬可解以我之因為汝之果別位則麤當知大樹雖巨圍要因於地方漸生長是知圓位從初至後皆是實說實伏實斷俱皆稱妙云大論云譬如樹名曰好堅在地百歲一出即長百丈蓋眾樹頂此譬圓位也六明位與者問權位皆麤佛何意說耶答為諸眾生好樂

法華義疏卷五十一  
不同生善緣不同知過改惡不同當說取悟不同是  
故如來種種諸說皆有利益若隨界內好樂說前兩  
教位若隨界外好樂說後兩教位生界內事善說三  
藏位生界內理善說通教位生界外事善說別教位  
生界外理善說圓教位破界內事惡說三藏位破界  
內理惡說通教位破塵沙事惡說別教位破無明理  
惡說圓教位緣事入真說三藏位緣理入真說通教  
位從事入中說別教位緣理見中說圓教位爲是義  
故諸位得興階差高下無量矣七明位廢者理本無  
位位爲緣興緣旣迭興位亦迭謝非是法華始復廢

也須識諸破立意不得妄破妄立何者元夫如來立  
三藏位權生事善事善旣生濟用若足便須廢也通  
別位亦如是此是如來破立之意若毗曇婆沙中明  
菩薩義龍樹往往破之謂其失佛方便是故須破申  
佛方便是故須立此是龍樹破立意若常途大乘師  
全不整理三藏此則失佛方便常途小乘師探取經  
義釋所弘之論辨菩薩義毗婆沙自說菩薩義而不  
肯用取大乘經解三藏空有二門豈應相會此有二  
過一埋佛方便二彰論主不解菩薩義是故須破縱  
令引經釋大乘義是何等大乘若作通教大乘者三

乘同入真諦至佛亦然那得八地觀中道破無明作  
通義不成是故須破若作別教大乘義者始從初心  
與二乘異那得六地將羅漢齊作別義不成是故須  
破又別是方便執權誦實是故須破往者人往義定  
今窺見其過是故須破申佛方便復應須立卽是今  
時破立之意而圓教起自一師超三權卽一實境智  
行位不與前同若文理有會夷塗共遊失旨乖轍請  
從良導先敘此意次明廢位也若佛赴機興廢破立  
者如無量義經云無量法者從一法生所謂二道三  
法四果二道者卽頓漸也三法者卽三乘也四果者

四位也此無量法從一法生何者二道既是頓漸頓  
卽大道日照高山且置未論今明漸道之初卽三藏  
教教云求佛當三阿僧祇劫脩六度行百劫種相乃  
可得佛欲令生事善故作是說欲求佛者改惡從善  
善立教廢卽便破曰豈有菩薩不斷結惑而得菩提  
毒器不任貯食此教卽廢行位皆廢本望果行因無  
果可望佛智佛位俱廢若約二乘辨廢者本令事行  
調心從拙度見真見真已教意卽足是故析教廢爲  
此諸義故言廢藏立通元稟通教不學三藏者不於  
此人論廢立通之意爲生理善體法斷惑從巧度入

直教意卽足智者見空復應見不空那得恒住於空  
通教則廢菩薩行智悉廢佛智位亦廢云云二乘但  
教廢餘者云云此通教通通通別共般若意如上說  
不共般若意則有不廢云云故知成論地論師祇見  
共般若意不見不共意中論師得不共意失共意通  
教既具兩意於通菩薩及方便聲聞卽是廢義住果  
聲聞未是廢義不共菩薩則不廢義云云若別起時  
生界外事善若破無知塵沙事善旣成教意卽足復  
須破此隨他意語是故別教教廢地前行位悉廢地  
上位及佛位皆廢高歸下是故廢別立圓圓八番位

皆是實位故不須廢大經云一切江河悉有迴曲一  
切叢林必有樹木諸教隨情故有迴曲三草二木是  
佛方便故非真實宜須廢位金沙大河直入西海金  
銀之樹悉是寶林非曲是直是故不廢昔從頓出漸  
漸不合頓引漸入頓處處須廢今已會頓頓何須廢  
文云始見我身云云是故一教不廢又云但說無上  
道此道不廢昔於一佛乘分別說三三乘不合欲令  
三合一處處須廢今會三歸一同乘一乘是故一行  
不廢昔四果隔別謂羅漢辟支佛菩薩習果方便佛  
果又四佛爲四果欲合此果處處須廢今草庵已破

化城又滅同至寶所是故一果不廢若從是義三廢  
一不廢然三教有廢有不廢何者從得道夜至泥洹  
夜所說四阿含經結爲聲聞藏初教何曾廢成前入  
事善逗後人事善故有廢有不廢通教成前逗後亦  
如是別教成前逗後亦如是圓教有立有不立初照  
高山已自是立於三藏者不立文云始見我身入如  
來慧卽是前立學小者今入佛慧卽是後立中間可  
知諸行智有廢有不廢諸果位有廢有不廢若歷諸  
味乳味有兩教一教行位亦廢亦不廢一教行位不  
廢廢教行位有廢有不廢生蘇四教三教行位有廢

有不廢一教行位不廢熟蘇三教兩教行位有廢有  
不廢一教行位不廢法華三教行位皆廢一教行位  
不廢但說無上道同乘一寶乘俱直至道場故三義  
皆不廢無量義云二道三法四果不合至法華皆合  
故不論廢成道已來四十餘年未顯真實法華始顯  
真實相傳云佛年七十二歲說法華經<sub>云</sub>又教廢  
行位不廢行位廢教不廢俱廢俱不廢云何教廢行  
位不廢住果聲聞猶在草庵行位不廢而教廢也云  
何行位廢教不廢利根密益不待廢教早休行位者  
是也云何俱廢三藏菩薩是也云何俱不廢逗後緣

者是也通教別教例此可解云若就施權三教行位立一不立若就廢權三教行位廢而一不廢若就利根一立三不立若就鈍根三立一不立若就轉鈍爲利一立三不立利鈍合論亦立亦不立亦廢亦不廢若就平等法界非立非不立非廢非不廢又廢教更聞教自有廢教不更聞教自有不廢教更聞教自有不廢教不更聞教云何廢教更聞教者如廢六度事善更聞亡三理善云何廢教不更聞教如住果二乘廢教已入滅云何不廢教更聞教如逗次第學者方等中並聞小大名者云何不廢不更聞未廢教而

密入者又廢智更修智不廢智更修智廢智不修智不廢智不修智云何廢智更修智三藏菩薩廢已智更修無生智云何不廢智更修智住果聲聞不廢已智遠復遊觀學無生智實不用巧智斷結也又次第習者是也云何不廢智不修智亦是住果聲聞生滅度想不肯修大也如四弟子領解云我昔身體疲懈但念空無相願於菩薩法都無願樂之心者是也及更逗後緣者是也云何廢智不修智廢三藏智菩薩退爲諸惡者是也亦是廢智已密入頓中不修方便智是也又廢位更入位廢位不入位不廢不更入不

廢而入云何廢位更入位三藏菩薩廢不斷惑位入  
斷惑位云何廢位不更入位謂廢位密悟頓者不入  
次第位也云何不廢位不更入位謂住果二乘是也  
云何不廢位而更入位謂逗後緣者亦是未廢密悟  
而入上位也通教別教智位料簡亦應如此云云問  
廢更修可有益廢不更修有何益答自有廢修得益  
自有訶廢聞雖不修而有恥小鄙劣折其取證之心  
亦是有益又齊其斷結謂言無益迴心入大卽是得  
益云云八開麤位顯妙位者若破三顯一相待之意  
可得如前卽三是一絕待之意義則不爾何者昔權

蘊實如華含蓮開權顯實如華開蓮現離此華已無  
別更蓮離此麤已無別更妙何須破麤往妙但開權  
位卽顯妙位也開生死麤心者明凡夫有反復易發  
菩提心生死卽涅槃無二無別卽麤是妙也若始從  
凡夫發析體別圓四心者亦是四位初心皆是因緣  
所生心卽此因緣卽空卽假卽中與圓初心無二無  
別諸初心是乳顯妙卽是置毒乳中卽能殺人殺有  
奢促若按位而妙卽成假各妙若進入方便成相似  
妙若進入理卽成分真妙云云若開六度權位行者  
檀卽因緣生法卽空卽假卽中開檀得見佛性乃至

般若亦復如是亦名置毒乳中卽能殺人按位卽假  
名妙若進方便成相似妙若進入理成分真妙云  
方便聲聞未入位者開權顯實亦如是三藏斷結位  
若未開權永無反復如焦種無芽今開析空卽假卽  
中如置毒酪中亦能殺人按麤卽妙是相似位若進  
入隨位判妙也次開通教二乘菩薩亦如是出假菩  
薩位者決了此假假卽是中如置毒生蘇而能殺人  
按麤卽妙是相似位若進入隨位判妙若開別教十  
信位者同前若開十住者同二乘云若開十行位  
者同通教出假菩薩若開十迴向伏無明位卽此而

中是名置毒熟蘇卽能殺人按麤卽妙是相似位若  
進入隨位判妙若登地之位不決了者祇是拙度之  
位今決此權令得顯實卽是置毒醍醐而殺於人按  
麤卽妙是十住位若進入隨位判妙若決諸權或按  
位妙或進入妙無麤可待同成一妙其義已顯今更  
譬說譬如小國大臣來朝大國失本位次雖預行伍  
限外空官若大國小臣心膂馮寄爵乃未高他所敬  
貴諸教諸位決麤入妙雖得入流欲比圓教入妙猶  
是從鈍中來圓教發心雖未入位能知如來祕密之  
藏卽喚作佛初心尚然何況後位乎云九引涅槃

法華玄義卷第五  
五譬成四教位若不將四教釋譬譬不可解若非五  
譬判四教位取信爲難若信經文則位義易曉解諸  
位意彼譬泠然彼此相須可謂兼美者也彼文云凡  
夫如乳須陀洹如酪斯陀舍如生蘇阿那舍如熟蘇  
阿羅漢支佛佛如醍醐此譬三藏五位何者凡夫全  
生未能除惑菩薩亦爾但得如乳須陀洹破見革凡  
成聖如乳變爲酪斯陀舍侵六品思故如生蘇阿那  
舍欲界思盡故如熟蘇阿羅漢支佛佛皆斷三界見  
思盡故同稱醍醐故釋論云聲聞經中稱阿羅漢地  
爲佛地故共爲一味也問此經以三藏菩薩爲上草

彼經云何以菩薩爲乳味答經取化他邊強喻之上  
草此中自證力弱同凡夫爲乳味云三十二云凡  
夫如雜血乳須陀洹斯陀舍如淨乳阿那舍如酪阿  
羅漢如生蘇支佛菩薩如熟蘇佛如醍醐此譬通教  
五位也凡夫不斷惑乳猶雜血二果侵思未多同初  
果如乳三果欲思已盡故如酪四果見思俱盡如生  
蘇支佛智利侵習小勝聲聞故共菩薩如熟蘇十地  
名佛地卽是醍醐前以菩薩同凡味故知是三藏今  
以菩薩同支佛故知是通若不作通釋譬義何由可

解云  
云

妙法蓮華經玄義卷第五上

妙法蓮華經玄義卷第五下

天台智者大師說

第九卷凡夫佛性如牛新生血乳未別聲聞佛性如清淨乳支佛如酪菩薩如生熟蘇佛如醍醐此譬別教五位乳譬無明血譬四住凡夫具此故言雜血十住已斷四住之血與二乘齊故言聲聞如乳十住後心理明智利類支佛侵習故言如酪十行破塵沙如生蘇十迴向破界外塵沙如熟蘇故言菩薩如生熟蘇登地破無明顯佛性得一身無量身百佛世界八相作佛故言佛如醍醐二十五云雪山有草名爲忍

法華之義卷五  
辱牛若食者卽得醍醐牛喻凡夫草喻八正能修八  
正卽見佛性名得醍醐此譬圓教行大直道觀一切  
衆生卽涅槃相不復可滅圓信圓行不由歷別於一  
生中卽入初住得見佛性如牛食忍草不歷四味卓  
出醍醐故知圓教意也忍草譬境妙牛譬智妙食者  
譬行妙出醍醐譬位妙此圓意也牛食餘草血乳轉  
變歷四味已方成醍醐餘方便教境智行位皆麤意  
也前四譬卽有四處明醍醐四教明佛智各異俱旣  
稱佛同指佛智以爲醍醐藏通二佛不明中道但取  
果頭佛二諦智爲醍醐別教登地破無明卽能作佛

以中道理智爲醍醐圓教初住得中道智亦稱爲醍  
醐纓珞云頓悟世尊卽此初住智爲醍醐也前兩醍  
醐是權非實故有教而無人別教醍醐各權理實圓  
教醍醐各理俱實以是義故前三位五味皆麤圓教  
一味皆妙第二十七卷云譬如有人置毒乳中則能  
殺人乃至醍醐亦能殺人此譬兩用一通約漸頓明  
不定教處處皆得見佛性也二約行不定行人心行  
譬之如乳實相智譬之以毒毒有殞命之能此智有  
破無明之力久遠劫來說實相毒置於凡夫心乳毒  
慧開發不可爲定或於初味發或於後味發不得次

法華玄義卷五十一  
二  
第往判故言置毒乳中乃至醍醐徧五味中悉有殺  
義若衆生始於凡地得聞華嚴卽便見理入佛慧者  
此是血乳殺人若先得十住今華嚴得悟卽是酪中  
殺人十行悟者是生蘇殺人十迴向悟者是熟蘇殺  
人諸地更悟是醍醐中殺人若過去先是圓教中假  
名相似之位今聞華嚴得悟者亦是乳中殺人亦是  
酪生熟等蘇中殺人若先是諸住諸行等位今更聞  
華嚴得增道損生卽是於醍醐中殺人云若歷三  
藏教中凡夫及方便位及菩薩位聞三藏教於中卽  
能密見中道卽是乳中殺人若四果位密見中道卽

是酪中殺人顯露教中無此事也若通教中凡夫及  
三乘方便位若聞通教密見佛性卽是乳中殺人若  
入位者祕密而去卽是酪中殺人若菩薩道種智中  
去卽是生蘇殺人九地中去卽是熟蘇殺人十地中  
去卽是醍醐中殺人通教聲聞但有祕密中殺人無  
顯露不定殺也若歷別教中十信聞教去卽是乳中  
殺人三十心中去卽是酪殺人生蘇熟蘇等殺人登  
地去卽是醍醐殺人也若圓教中發始聞經卽破無  
明見佛性是乳中殺人六根清淨去是酪生熟蘇等  
殺人若初住去是醍醐殺人若有行人歷諸教四譬

法華文義卷五  
三  
五味過已方得入圓教醍醐中殺人者此是破三顯  
一相形待爲妙若置毒乳中味味悉殺人者此是開  
權顯實於一切法中卽見中道故文云汝等所行是  
菩薩道不須更改途易轍而求真實卽麤見妙故以  
置毒爲喻諸經悉有祕密置毒之妙而未有顯露歷  
味入妙亦無顯露決麤卽妙至此法華方有二意同  
乘實乘皆開佛知見顯露事彰是故獨稱爲妙其意  
在此次第入妙開麤卽妙各有兩意按位開入有增  
進開入若言決了聲聞法是諸經之王聞已諦思惟  
得近無上道卽是按位顯妙增道損生卽是升進入

妙故法華獨稱妙也十明妙位始終者真如法中無  
詮次無一地二地法性平等常自寂然豈應分別初  
後始終良由平等大慧觀於法界無有若干能破若  
干無明顯出無若干智慧約此智慧無始而始卽是  
初阿無終而終卽是後荼無中而論中卽是四十二  
雖復差別則無差別故名不思議位也如下文云聲  
聞緣覺如竹林新發不退菩薩等皆不能知除諸菩  
薩衆信力堅固者聲聞緣覺所不能知此簡三藏通  
教兩種二乘也三藏菩薩緣真不及聲聞聲聞尚不  
知此菩薩那得知通教菩薩入真之智與二乘不殊

法華經疏卷第五  
四  
二乘不知彼菩薩亦不知今標二乘不知兩處菩薩亦不能測發心不知卽指別教十信不退不能卽指別教三十心十住位不退十行行不退十迴向念不退此三不退皆不能知三藏中不退尚不及二乘通教中不退止等二乘二乘不知豈重舉菩薩今標發心不退者則擬別教中人也信力者是假各位堅固者是鐵輪位如此等位聞經卽解故得爲妙似位之始也初開佛知見乘是實乘遊於東方卽是眞位之始也三方是中位直至道場過茶無字可說卽是終位也如此諸位乘何等乘乘有三種謂教行證若

言是乘從三界出到薩婆若中住住有二義一取證故住卽通教意也二所乘極故住卽別圓意也初心馮教所詮信教立行得出三界無明未破未有所證故不見真但乘教乘來至此耳我圓教中其誰是耶謂五品弟子能善發大心長別三界苦輪海卽其人也教乘旣息證乘未及以似解慧進修衆行則以行爲乘從方便三界中出到初住薩婆若中住我圓教中其誰是耶謂十信心六根淨者卽其人也初住乃至等覺更增道損生者此以證爲乘從因緣三界乃至無後三界中出到妙覺中過茶無字可說故言到

法華文義卷五  
五  
薩婆若中住前來諸乘猶有上法不得稱住茶無上  
法是故言住住無住處卽妙位之終復次別教十住  
破見思是行三百由旬十行破塵沙爲四百十迴向  
伏無明爲五百十地斷無明此分見中道卽爲實所  
也圓教六根清淨時是行四百破無明入初住是行  
五百二乘聞經破無明惑開佛知見得記作佛者卽  
是決了諸麤位過五百由旬來入初住卽是妙位之  
始得於證乘遊於東方也若至本門中增道損生更  
乘證乘遊於南方是進入十行位也西方是進入十  
迴向北方是進入十地也又如文云說是如來壽命

長遠時六百八十萬億那由他恒河沙人得無生法  
忍卽是十住復千倍菩薩得聞持陀羅尼卽十行復  
有一世界微塵數菩薩得樂說辯才卽十迴向復有  
一世界微塵數得旋陀羅尼卽初地三千大千微塵  
得不退卽二地二千國土微塵能轉清淨法輪卽三  
地小千國土微塵八生當得菩提卽四地七生當得  
卽五地六生當得卽六地五生當得卽七地四生當  
得卽八地三生當得卽九地二生當得卽十地一生  
當得卽等覺過此一生卽是過茶無字卽是妙覺地  
妙位之終也將前列位中引法華經文入此中共作

一科者卽不煩也○第五三法妙者斯乃妙位所住之法也言三法者卽三軌也軌名軌範還是三法可軌範耳此卽七意一總明三軌二歷別明三軌三判麤妙四開麤顯妙五明始終六類三法七悉檀料簡一總明三軌者一真性軌二觀照軌三資成軌名雖有三祇是一大乘法也經曰十方諦求更無餘乘唯一佛乘一佛乘卽具三法亦名第一義諦亦名第一義空亦名如來藏此三不定三三而論一一不定一一而論三不可思議不並不別伊字天目故大經云佛性者亦一非一非一非一亦一者一切衆生悉

一乘故此語第一義諦非一者如是數法故此語如來藏非一非一數非數法不決定故此語第一義空而皆稱亦者鄭重也祇是一法亦名三耳故不可單取不可複取不縱不橫而三而一前明諸諦若開若合若麤若妙等已是真性軌相也前明諸智若開若合若麤若妙是觀照軌相也前明諸行若開若合若麤若妙已是資成軌相也前明諸位祇是修此三法所證之果耳若然何以重說重說有三義一者前境智行是因中所乘之三軌今明乘是大乘已至道場證果所住之三軌也二者前作境智等名別說今

作法名合說三者前直爾散說不論本末今遠論其本卽是性德三軌亦名如來之藏極論其末卽是修德三軌亦名秘密藏本末含藏一切諸法從性德之三法起名字之三法因名字之三法修觀行之三法因觀行之三法發相似之三法乃至分證之三法究竟之三法自成三法化他三法爲是義故宜應重說也私謂一句卽三句三句卽一句各圓佛乘記中旣從如來藏一句出諸方便此乃別判例應通開非一者數法故指此爲如來藏開出三藏中三乘事相方便非一非非一不決定故指此一句爲第一義空開

出通教三人卽事而真亦一者一切衆生悉一乘故指此一句爲第一義諦開出別教獨菩薩乘此諸方便悉從圓出故經言於一佛乘分別說三卽此義也二歷別明三法者先須識如來開合方便然後乃解總攬三法爲一大乘也佛從何法開諸權乘如大經明佛性非一如是數法說三乘故當知諸乘數法爲如來藏所攝佛於此藏開出聲聞緣覺及諸菩薩通別等乘何者諸乘旣是方便如來藏又是事從事出方便故言諸權爲如來藏攝耳又依經故大經云聲聞僧者各有爲僧又云六波羅蜜福德莊嚴又云聲

法華玄義卷五  
聞之人定力多故不見佛性當知定力卽是福德福  
德祇是有爲勝鬘稱爲有漏例如界內見思未破爲  
有起作故名有爲取理不當故名有漏非智慧法故  
名福德今以下望上亦應如是二乘未破變易猶是  
有爲無明未脫故言有漏非中道智故名福德以是  
故知方便諸乘悉爲資成所攝皆從大乘一句偏出  
非究竟法故云於一佛乘分別說三卽此意也亦是  
於一佛乘分別說五亦是分別說七亦是分別說九  
若依此釋如來藏句開出種種方便諸權乘法也次  
歷四教各論三法者三藏中以無爲智慧名觀照軌

正爲乘體助道成乘具名資成軌正助之乘斷惑入  
真真是真性軌教來詮此故以教爲乘也緣覺亦爾  
菩薩以無常觀爲觀照功德肥爲資成坐道場斷結  
見真爲真性此教詮真乘是教乘從三界中出到薩  
婆若中住言教已盡故無教乘真不能運故證非乘  
故有索車之意云二通教以真性軌爲乘體行以  
故卽色是空事中有理此理卽真故爲乘體以卽空  
慧爲觀照衆行爲資成此教詮真乘是教乘從三界  
出到薩婆若中住菩薩出三界已用行爲乘淨佛國  
土教化衆生乃至道場乃可名住亦是有教無人無

法華玄義卷五  
九  
誰住者亦是教謝證寂無復運義亦有索車之意云  
云三明別教三法者以緣修觀照爲乘體諸行是資  
成以此二法爲緣修智慧慧能破惑顯理理不能破  
惑理若破惑一切衆生悉具理性何故不破若得此  
慧則能破惑故用智爲乘體故大經云無爲無漏名  
菩薩僧卽是一地二地乃至十地智慧名智慧莊嚴  
以此智慧運通十地故爲乘體然攝大乘明三種乘  
理乘隨乘得乘理者卽是道前真如隨者卽是觀真  
如慧隨順於境得者一切行願熏習熏無分別智契  
無分別境與真如相應此三意一往乃同於三軌而

前後未融何者九識是道後真如真如無事智行根  
本種子皆在梨耶識中熏習成就得無分別智光成  
真實性是則理乘本有隨得今有道後真如方能化  
物此豈非縱義若二乘悉爲黎耶所攝又是橫義又  
濫冥初生覺旣縱旣橫與真伊相乖元夫如來初出  
便欲說實爲不堪者先以無常遣倒次用空淨蕩著  
次用歷別起心然後方明常樂我淨龍樹作論申佛  
此意以不可得空洗蕩封著習應一切法空是名與  
般若相應此空豈不空於無明無明若空種子安在  
淨諸法已點空說法結四句相此語虛玄亦無住著

如病除已乃可進食食亦消化那得發頭據阿黎耶  
出一切法本之見慢全自未降封此新文若長水添  
水故知彼論非逗末代重著衆生乃具界外一途法  
門耳又阿黎耶若具一切法者那得不具道後真如  
若言具者那言真如非第八識恐此猶是方便從如  
來藏中開出耳若執方便巨妨真實若是實者執之  
又成語見多含兒蘇恐將天命云若能善解破立  
之意於諸經論淨無滯著也四明圓教三法者以真  
性軌爲乘體不僞名真不改名性卽正因常住諸佛  
所師謂此法也一切衆生亦悉一乘衆生卽涅槃相

不可復滅涅槃卽生歟無滅不生故大品云是乘不  
動不出卽此乘也觀照者祇點真性寂而常照便是  
觀照卽是第一義空資成者祇點真性法界含藏諸  
行無量衆具卽如來藏三法不一異如點如意珠中  
論光論寶光寶不與珠一不與珠異不縱不橫三法  
亦如是亦一亦非一亦非一非非一不可思議之三  
法也若迷此三法卽成三障一者界內界外塵沙障  
如來藏二者通別見思障第一義空三者根本無明  
障第一義理若卽塵沙障達無量法門者卽資成軌  
得顯若卽見思障達第一義空者觀照軌得顯若卽

法華義疏卷五  
十一  
無明障達第一義諦者真性軌得顯真性軌得顯名  
爲法身觀照得顯名爲般若資成得顯名爲解脫此  
兩卽是定慧莊嚴莊嚴法身法身是乘體定慧是衆  
具下文云其車高廣衆寶莊校是名圓教行人所乘  
之乘到薩婆若過茶無字可說無字可說亦應無乘  
可運若自行運畢乘義則休若權化未畢運他不休  
故文云佛自住大乘如其所得法定慧力莊嚴以此  
度衆生卽其義也譬如御者運車達到猶名爲車果  
乘亦爾猶名爲運復次何必一向以運義釋乘若取  
真性不動不出則非運非不運若取觀照資成能動

能出則名爲運祇動出卽不動出卽不動出是動出  
卽用而論體動出是不動出卽體而論用卽不動出  
是動出體用不二而二耳例如轉不轉皆阿鞞跋致  
動不動皆是毗尼以是義故發趣不發趣皆名爲乘  
也云云二明麤妙者三藏於有爲福德論三法爲乘

四念處是聞慧乘於教乘到四善根四善根乘於行  
乘到見諦見諦乘於證乘到無學旣是權法出三界  
外以真爲證證則不運不見實乘嗚呼自責欲問世  
尊爲失爲不失卽此意也半字漸引非究竟義是故  
三法皆麤也通教卽空慧三法爲乘巧餘意大同乾

慧地乘於教乘性地乘於行乘八人見地乘於證乘此亦偏說是故爲麤別教以資成資於觀照觀照開於真性三法爲乘十信乘教十住乘行十地乘證到妙覺薩婆若中住緣修成卽謝唯真修在若爾資成在前觀照居次真性在後此三豎別縱非大乘此三並異橫非大乘是方便法是故爲麤也圓教點實相爲第一義空名空爲縱第一義空卽是實相實相不縱此空豈縱點實相爲如來藏名之爲橫如來藏卽實相實相不橫此藏豈橫故不可以縱思不可以橫思故名不可思議法卽是妙也祇點空藏爲實相空

縱藏橫實相那不縱橫祇點空爲如來藏空既不橫藏那得橫點如來藏爲空藏既不縱空那得縱點實相爲空藏實相非縱非橫空藏亦非縱非橫宛轉相卽不可思議故名爲妙祇點如來藏爲廣點第一義空爲高故言其車高廣如來藏卽實相故其車非廣第一義空卽實相故其車非高祇實相是空那得非高祇實相是如來藏那得非廣又點實相爲如來藏故言衆寶莊校又多僕從而侍衛之點實相爲第一義空故言有大白牛肥壯多力行步平正其疾如風智慧無染名爲白能破惑故名多力中道慧名平正

法華玄義卷第三  
三  
入無功用故其疾如風不思議三法共成大車豈有縱橫並別之異如是教乘不縱不橫五品所乘到於似解如是行乘不縱不橫似解所乘到於十住如是證乘不縱不橫十住所乘到於妙覺薩婆若中住故名妙乘又云是乘微妙清淨第一故毘官建議講人夢聽者駕乘闡門而出彼處建講人夢黃衣滿路以相則之邪正明矣若將此麤妙等乘約五味者乳教一麤一妙酪教一麤生蘇三麤一妙熟蘇二麤一妙眾經悉帶縱橫方便說不縱不橫之真實故言爲麤今經正直捨方便故加之以妙云云四開麤顯妙者約

大經三句也經言佛性亦一者一切眾生悉一乘故此是不動不出之一乘故具足三法不縱不橫夫有心者皆備此理而其家大小都無知者是故爲麤今示眾生諸覺寶藏耘除草穢開顯藏金一切無礙人一道出生灰十方諦求更無餘乘唯一佛乘是故爲妙經言佛性亦非一非非一數非數法不決定故若執緣修智慧定能顯理慧自非理則照用不明不見佛性是故爲麤今開定執之慧卽不決定慧卽慧而理卽理而慧不執著數定三定一不著非數非三非一如此乃名無著妙慧能破一切定相及不定相亦

法華義疏卷三  
無能破所破如輪王能破能安如日除闇生物如醫  
除膜養珠卽是大乘不縱不橫之妙慧也經言佛性  
亦非一說三乘故卽是三乘五乘七乘等諸方便乘  
若住諸乘但是事善及以偏真通入處近是故爲麤  
今若決了諸乘卽是如來藏藏各佛性從人天善乃  
至別乘皆不動本法卽是於妙當知三句攝一切法  
無非佛性悉皆是妙無麤可待卽絕待妙也五明始  
終者不取五品教乘爲始乃取凡地一念之心具十  
法界十種相性爲三法之始何者十種相性祇是三  
軌如是體卽真性軌如是性性以據內卽是觀照軌

如是相者相以據外卽是福德是資成軌力者是了  
因是觀照軌作者是萬行精勤卽是資成因者是習  
因屬觀照緣者是報因屬資成果者是習果屬觀照  
報者是習報屬資成本末等者空等卽觀照假等卽  
資成中等卽真性直就一界十如論於三軌今但明  
凡心一念卽皆具十法界一一界悉有煩惱性相惡  
業性相苦道性相若有無明煩惱性相卽是智慧觀  
照性相何者以迷明故起無明若解無明卽是於明  
大經云無明轉卽變爲明淨名云無明卽是明當知  
不離無明而有於明如水是水如水是冰又凡夫心

法華三義卷五  
十一  
一念卽具十界悉有惡業性相祇惡性相卽善性相  
由惡有善離惡無善翻於諸惡卽善資成如竹中有  
火性未卽是火事故有而不燒遇緣事成卽能燒物  
惡卽善性未卽是事遇緣成事卽能翻惡如竹有火  
出還燒竹惡中有善善成還破惡故卽惡性相是  
善性相也凡夫一念皆有十界識名色等苦道性相  
迷此苦道生灰浩然此是迷法身為苦道不離苦道  
別有法身如迷南爲北無別南也若悟生灰卽是法  
身故云苦道性相卽是法身性相也夫有心者皆有  
三道性相卽是三軌性相故淨名云煩惱之儔爲如

來種此之謂也若言如是力如是作者菩提心發也  
卽是真性等萌動如是因者卽是觀照萌動如是緣  
者卽是資成萌動如是果者由觀照萌動成習因感  
得般若習果滿也如是報者由資成萌動爲緣因感  
得解脫報果滿也果報滿故法身亦滿是爲三德究  
竟滿名祕密藏本末等者性德三軌冥伏不縱不橫  
修德三軌彰顯不縱不橫冥伏如等數等妙等彰顯  
如等數等妙等故言等也亦是空等假等中等云  
六類通三法者前以三軌之法從始以至終卽是豎  
通無礙今欲橫通諸法悉使無礙類通諸三法何者

赴緣名異得意義同粗通十條餘者可領三道三識  
三佛性三般若三菩提三大乘三身三涅槃三寶三  
德諸三法無量止用十者舉其大要明始終耳三道  
輪迴生歿本法故爲初若欲逆生歿流須解三識知  
三佛性起三智慧發三菩提心行三大乘證三身成  
三涅槃是三寶利益一切化緣盡入於三德住祕密  
藏云一類通三道者真性軌卽苦道觀照軌卽煩  
惱道資成軌卽業道苦道卽真性者下文云世間相  
常住豈不卽彼生歿而是法身耶煩惱卽觀照觀照  
本照惑無惑則無照一切法空是也文云諸法從本

來常自寂滅相卽煩惱是觀照也照如薪生火文云  
於諸過去佛若有聞一句皆已成佛道又云深達罪  
福相徧照於十方卽是聞於體達煩惱之妙句也資  
成卽業道者惡是善資無惡亦無善文云惡鬼入其  
心罵詈毀辱我我等念佛故皆當忍是事惡不來加  
不得用念用念由於惡加云又威音王佛所著法  
之衆聞不輕言罵詈打拍由惡業故還值不輕不輕  
教化皆得不退又提婆達多是善知識豈非惡卽資  
成三軌卽三道是爲理性行於非道通達佛道五品  
觀行行於非道通達佛道六根清淨相似行於非道

通達佛道十住去即分真行於非道通達佛道妙覺  
 究竟行於非道通達佛道云二類通三識者菴摩  
 羅識即真性軌阿黎耶識即觀照軌阿陀那識即資  
 成軌若地人明阿黎耶是真實淨識攝大乘人云是  
 無記無明隨眠之識亦名無沒識九識乃名淨識五  
 淨云云今例近況遠如一人心復何定為善則善識  
 為惡即惡識不為善惡即無記識此三識何容頓同  
 水火祇背善為惡背惡為善背善惡為無記祇是一  
 人三心耳三識亦應如是若阿黎耶中有生心種子  
 熏習增長即成分別識若阿黎耶中有智慧種子聞

熏習增長即轉依成道後真如名為淨識若異此兩  
 識祇是阿黎耶識此亦一法論三三中論一耳攝論  
 云如金土染淨染譬六識金譬淨識土譬黎耶識明  
 文在茲何勞苦諍下文譬如有人至親友家醉酒而  
 卧豈非阿黎耶識世間狂惑分別之識起已遊行以  
 求衣食豈非阿陀那識聞熏種子稍起增長會遇親  
 友示以衣珠豈非菴摩羅識菴摩羅識名無分別智  
 光若黎耶中有此智種子即理性無分別智光五品  
 觀行無分別智光六根清淨相似無分別智光初住  
 去分真無分別智光妙覺究竟無分別智光麤妙

法華妙義卷第五  
七  
云三類通三佛性者真性軌卽是正因性觀照軌卽  
是了因性資成軌卽是緣因性故下文云汝實我子  
我實汝父卽正因性又云我昔教汝無上道故一切  
智願猶在不失智卽了因性願卽緣因性又云我不  
敢輕於汝等汝等皆當作佛卽正因性是時四衆以  
讀誦衆經卽了因性修諸功德卽緣因性又云長者  
諸子若二十乃至三十此卽三種佛性又云種種  
性相義我已悉知見旣言種種性卽有三種佛性也  
若知三軌卽三佛性是名理佛性五品觀行見佛性  
六根相似見佛性十住至等覺分真見佛性妙覺究

竟見佛性是故稱妙云四類通三般若者真性是  
實相般若觀照是觀照般若資成是文字般若具如  
上釋境智行三妙之相故下文云止止不須說我法  
妙難思又云是法不可示言辭相寂滅卽實相般若  
我及十方佛乃能知是相唯佛與佛乃能究盡又云  
我所得智慧微妙最第一卽觀照般若又云我常知  
衆生行道不行道隨應所可度爲說種種法若干言  
辭隨宜方便卽是文字般若又云如來知見廣大深  
遠廣大深遠卽實相般若如來知見稱廣大深遠卽  
觀照般若若言方便知見皆已具足卽文字般若故

法華玄義卷第五  
知三軌亦三般若之異名耳若三智在三心屬三人  
是則爲麤三智在一心中不縱不橫是則理妙五品  
觀行三般若六根淨相似三般若四十心分真三般  
若妙覺究竟三般若也五類通三菩提者真性軌卽  
實相菩提觀照軌卽實智菩提資成軌方便菩提故  
下文云我先不言汝等皆得阿耨三菩提非實非虛  
非如非異不如三界見於三界卽實相菩提我成道  
已來甚大久遠卽實智菩提我說少出家近伽耶城  
得三菩提卽方便菩提若就弟子明三菩提者若我  
遇衆生盡教以佛道卽實相菩提安住實智中我定

當作佛又云佛子行道已來世得作佛乘是實乘直  
至道場卽是修成實智菩提授八相記卽方便菩提  
不一異者名之爲如不決了名麤決了名爲妙一切  
衆生理性菩提五品名字菩提六根相似菩提四十  
一位分真菩提妙覺究竟菩提云六類通三大乘者  
真性卽理乘觀照卽隨乘資成卽得乘故下文云佛  
自住大乘如其所得法定慧力莊嚴住大乘卽理乘  
定慧莊嚴卽隨乘所得法卽得乘佛自住大乘是理  
乘於道場知已是隨乘導師方便說是得乘又舍利  
弗以本願故說三乘法是得乘隨乘又是乘微妙清

淨第一是理乘於一佛乘是理乘分別說三是得乘  
 隨乘不縱不橫妙開麤妙歷七位云五品名字乘  
 六根相似乘四十一位分直乘妙覺究竟乘云七  
 類通三身者真性軌即法身觀照即報身資成即應  
 身若新金光明云依於法身得有報身依於報身得  
 有應身此即如前所明依於境妙得有智妙依於智  
 妙得有行妙彼文云佛真法身猶如虛空應物現形  
 如水中月報身即天月此文云佛自住大乘即是實  
 相之身猶如虛空定慧力莊嚴慧如天月定如水月  
 又云唯佛與佛乃能究盡諸法實相即是法身我所

得智慧微妙最第一即是報身名稱普聞即是應身  
 又非生現生等是應身也或示已身即法身報身或  
 示他身即報應我以相嚴身光明照十方為說實相  
 印實相印即法身照十方即應身相嚴身即報身又  
 深達罪福相徧照於十方即報身微妙淨法身即法  
 身具相三十二即應身三軌名異義即三身故普賢  
 觀云佛三種身從方等生法界性論云水銀和真金  
 能塗諸色像功德和法身處處應現往若此三身不  
 縱不橫妙決了三身入法身妙歷七位妙云入類  
 通三涅槃者地人言但有性淨方便淨實相名為性

淨涅槃修因所成爲方便淨涅槃今以理性爲性淨  
涅槃修因所成爲圓淨涅槃此則義便薪盡火滅爲  
方便淨涅槃此文便若將修因所成爲方便涅槃者  
以薪盡火滅爲何等涅槃故知應有三涅槃三涅槃  
卽是三軌文云是法不可示言辭相寂滅又云諸法  
從本來常自寂滅相是性淨涅槃又云皆以如來滅  
度而滅度之卽圓淨涅槃又云我成佛已來甚大久  
遠久修業所得慧光照無量亦是圓淨涅槃數數唱  
生處處現滅於此夜滅度如薪盡火滅豈非方便淨  
涅槃大經題稱大般涅槃翻爲大滅度大者其性廣

博卽據性淨度者到於彼岸智慧滿足卽據圓淨滅  
者煩惱未盡斷德成就卽據方便淨此三涅槃卽是  
三軌也九類通一體三寶者真性卽法寶觀照卽佛  
寶資成卽僧寶故法性不動名不覺佛智契理故佛  
名爲覺事和理和故僧名和合思益云知覺名爲佛  
知離名爲法知無名爲僧此是一體三寶故下文云  
佛自住大乘佛是佛寶大乘是法寶如其所得法以  
此度衆生卽是與理和復與衆生和卽是僧寶世間  
相常住名法寶於道場知己名佛寶導師方便說上  
與理和下與衆生和名僧寶一體三寶非一之一不

三之三此之三一不縱不橫稱之為妙歷七位云云  
十類通三德者大經三德共成大涅槃此經三軌共  
成大乘彼明法身德此云實相彼云佛性者亦一一  
切衆生悉一乘故亦是指實相為一乘彼處明般若  
德此經明其智慧門難解難入我所得智慧微妙最  
第一乃至決了聲聞法是諸經之王皆是般若彼經  
明解脫德此經明數數示現現生現滅隨所調伏衆  
生之處自既無累令他解脫乃至收取萬善事中功  
德悉得證果豈非解脫二經義合碌碌之徒隨各異  
解譬聞天帝不識憍尸唯知涅槃佛性之文不見雙

樹有一乘之旨彼文親說佛性亦一一即一乘而人  
云此乃涅槃一乘是佛性法華一乘非佛性若言法  
華不明佛性者涅槃不應遙指云八千聲聞於法華  
中得受記劫如秋收冬藏見如來性更無所作而人  
云涅槃有遙指之文此中無佛性之語今據此文種  
種性相義而我皆已見既言種種何獨簡於佛性耶  
又世間相常住於道場知已導師方便說豈非佛性  
之文耶論云佛性水常不輕知衆生有佛性又涅槃  
三德為秘密藏安置諸子秘密藏中我亦不久當入  
其中此即自他俱入秘密藏此經云佛自住大乘以此

法華正義卷五  
三  
度衆生終不以小乘濟度諸衆生悉以如來滅度而滅度之如是自他俱入如來滅度滅度祇是涅槃涅槃祇是祕藏釋論云法華爲祕藏兩經文義宛宛恒同何故諸人苟欲抗異若文義舛隔作同想無罪今文義本合離之何福但涅槃以佛性爲宗非不明一乘義今經以一乘爲宗非不明佛性義赴機異說其義常通也若三德縱橫卽是麤不縱橫卽是妙歷七位二云七悉檀料簡者問十種三法及餘一切皆是三軌者唯應三軌何意異說答衆生機宜不同應隨機設逗悉檀方便引接耳隨俗故異稱便宜故異逐

對治故異令人入道故異朝三暮四撫衆狙而皆悅苦塗水洗養嬰兒以適時善巧赴機故方圓任物譬千車而同轍豈守一而疑諸今通用四悉檀歷十法論妙不妙具說三軌共成大乘大乘之中備有三法及一切法不相混亂卽是世界悉檀資成資發智慧以生善故是爲人悉檀觀照破惑諸惡滅故是對治悉檀真性實理爲第一義悉檀一段衆生宜以大乘名說得四利益也備說三德爲大涅槃雖三點上下而無縱表裏而無橫一不相混三不相離卽世界悉檀善則殃釁不干故得挺然累表是故解脫卽爲人

悉檀般若如金剛隨所擬皆碎卽是對治悉檀法身卽第一義也一段衆生聞三德名卽獲四利矣舉初舉後中間例然次明妙不妙論云三悉檀是世諦心所行處可破可壞第一義悉檀是心不行處諸佛聖人心所得法不可破壞卽是真諦若然者比四悉檀爲二諦所攝更有中道復云何攝若不攝中但是藏通之意此悉檀爲麤今言俗有真無是隔異法便是三悉檀心所行處可破可壞中道第一義非有非無有無不二則無隔異無異卽真諦前三悉檀所通止至化城化城非實故可破可壞可壞爲麤今中道無

異又通至實所無能過無能滅故不可壞稱之爲妙若餘經說中道第一義悉檀與此經不殊但餘經帶阿羅漢所得爲第一義悉檀故不稱妙此經正直捨方便但有圓實四悉檀是故爲妙若不決三悉檀入第一義是復爲麤若決一一悉檀皆有第一義者是則爲妙五品弟子假名四悉檀六根淨相似四悉檀初住至等覺分真四悉檀妙覺究竟四悉檀是故稱妙此五番明妙從因至果以辨自行妙半如意珠竟

此五番明妙因正果 無自下妙半即真妙  
五至善實今重四悉即 真究竟四悉即具妙  
明妙正品樂于知各四悉 即六妙即明妙四悉  
樂一善具即為龜告六一 法即言百果一善皆具  
天則即有圓實四悉即 善妙不六三悉即入  
同善美而妙為樂一善悉 即不備妙此證工重  
善妙證中善樂一善悉 即與地證不和即創證  
異又此至實即無指學 無指學地證不可更釋之

妙法蓮華經玄義卷第六上

天台 智者 大師說

○第六明感應妙者上來四妙名為圓因三法祕藏  
名為圓果境妙究竟顯名毗盧遮那智妙究竟滿名  
盧舍那行妙究竟滿名釋迦牟尼三佛不一異不縱  
橫故名妙果釋論云稽首智度無子佛者果地圓極  
非復因位故稱無子果智寂照有感必彰故明感應  
妙也即為六一釋感應名二明相三明同異四明相  
對五明麤妙六明觀心釋名又三一釋名二四悉檀  
帖解三料簡釋名者正法華云無數世界廣說經法

世尊所爲感應如是今故用爲名而經中機語緣語  
並是感之異目悉語衆生且從機釋義則易見緣感  
例可解機有三義一者機是微義故易云機者動之  
微吉之先現又阿含云衆生有善法之機聖人來應  
也衆生有將生之善此善微微將動而得爲機若將  
生善爲機此語爲促今明可生之善此語則寬如琴  
有可發之機故射者發之發之則箭動不發則不前  
衆生有可生之善故聖應則善生不應則不生故言  
機者微也二者古注楞伽經云機是關義何者衆生  
有善有惡關聖慈悲故機是關義也三者機是宜義

如欲拔無明之苦正宜於悲欲與法性之樂正宜於  
慈故機是宜義也次明應者亦爲三義一者應是赴  
義旣言機有可生之理機微將動聖人赴之其善得  
生故用赴而釋應二者應是對義如人交關更相主  
對若一欲賣一不欲買則不相主對若賣買兩和則  
貿易交決貴賤無悔今以衆生譬買如來譬賣就機  
以論關就應以論對故以對釋應也三者應是應義  
旣言機是於宜宜何等法應以慈悲之法是善惡所  
宜悲則宜救苦慈則宜與樂隨以何法應其所宜故  
以應釋應也二明四悉檀帖釋者機應各有三義卽

法華文義卷之二  
四悉檀意也若微以釋機赴以釋應者是赴樂欲之心也何但心善可生名之爲欲如草木無心亦稱可生欲生將生故知赴此善生是隨樂欲卽世界悉檀明機應也若關以釋機對以釋應更相對當以悲對其苦機以慈對其善機者卽是隨對治悉檀以明機應也次以宜釋機以應釋應者卽是爲人第一義也宜以如此等法與其機感相宜宜生事善卽爲人悉檀宜生理善卽是第一義悉檀也三料簡者問何意於理善稱第一義悉檀耶答理善明生理闇必滅終不理惡滅方始理善生故於理善稱第一義悉檀也

若事善生事惡未必去事惡去事善未必生事是隔別對治悉檀正是藥病相對故不於中開第一義悉檀其意在此聞衆生機聖人應爲一爲異若一則非機應若異何相交關而論機應答不一不異理論則同如是故不異事論有機應是故不一譬如父子天性相關骨肉遺體異則不可若同者父卽子子卽父同又不可祗不一不異而論父子也衆生理性與佛不殊是故不異而衆生隱如來顯是故不一不一不異而論機應也又同是非事非理故不異衆生得事聖人得理又聖人得事凡夫有理故論異云問爲

用法身應爲用應身應若應身應應身無本何能應  
若用法身應應則非法答至論諸法非去來今非應  
非不應而能有應亦可言法應亦可言應應法應則  
冥益應應則顯益分別冥顯有四義如後說云第  
二明機應相者約善惡明機相約慈悲論應相若善  
惡爲機爲單爲共解者不同或言單惡爲機引經云  
我爲斷一切衆生瘡痍重病又云如有七子然於病  
者心則偏重如來亦爾於諸衆生非不平等然於罪  
者心則偏重又云如來不爲無爲衆生而住於世又  
無記是無明終屬惡攝此卽單以惡爲機或單以善

爲機引大經云我觀衆生不觀老少中年貧富貴賤  
有善心者卽便慈念此則單善爲機或云善惡不得  
獨爲機何者如金剛後心卽是佛衆善普會善無過  
此此何得爲機耶雖云佛佛相念此是通語而無拔  
無與故知單善不得爲機單惡不得爲機者如闡提  
極惡不能感佛大經云唯有一髮不能分身卽是性  
德理善此是通機終不成感也或取善惡相帶爲機  
者從闡提起改悔心上至等覺皆有善惡相帶故得  
爲機是故約此善惡明其相也云次約慈悲以明  
應相者或單以慈爲應經云慈善根力象見師子廣

說如涅槃云或單以悲爲應如請觀音或遊戲地  
獄大悲代受苦或合用慈悲爲應何者良以悲心熏  
於智慧能拔他苦慈心熏於禪定能與他樂下文云  
定慧力莊嚴以此度衆生論云水銀和真金能塗諸  
色像功德和法身處處應現往豈是水銀真金單能  
塗色像耶當知慈悲合論應也問衆生善惡有三世  
何世爲機聖法亦有二世何世爲應過去已謝現在  
不住未來未至悉不得爲機亦不得爲應云何論機  
應耶荅若就至理窮覈三世皆不可得故無機亦無  
應故經言非謂菩提有去來今但以世俗文字數故

說有三世以四悉檀力隨順衆生說或用過去善爲  
機故言我等宿福慶今得值世尊又如五方便人過  
去習方便者發真則易不習則難是故以過去善爲  
機或可以現在善爲機故言卽生此念時佛於空中  
現或可以未來善爲機未生善法爲令生故又如無  
漏無習因而能感佛也故大論云譬如蓮華在水有  
已生始生未生者若不得日光翳歿不疑衆生三世  
善若不值佛無由得成云惡亦如是或以過去之  
罪今悉懺悔現造衆惡今亦懺悔未來之罪斷相續  
心遮未來故名之爲救何者過去造惡障現善不得

法華玄義卷之二  
起爲除此惡是故請佛又現在果苦報逼迫衆生而  
求救護又未來之惡與時相值遮令不起故通用三  
世惡爲機應亦如是或用過去慈悲爲應故云我本  
立誓願欲令得此法或用現在慈悲爲應者一切天  
人脩羅皆應至此爲聽法故未度令度也又用未來  
爲應者卽是壽量中未來世益物也亦如安樂行品  
中云我得三菩提時引之令得住是法中若通論三  
世善惡皆爲機別論但取未來善惡爲正機也何者  
過去已謝現在已定祇爲拔未來惡生未來善耳問  
若未來爲正機者四正勤意云何答此已屬通意今

更別答者祇爲過去惡遮未來善故勤斷過去惡祇  
爲過去善不增長增長者卽是未來善也是故四正  
勤中言雖過去意實未來云問未來未有佛云何  
照答如來智鑒能如是知非下地所知仰信而已何  
可分別問爲是衆生自能感由佛故感如來自能應  
由衆生故應答此應作四句自他共無因破是性義  
悉不可無此四句故則無性無性故但以世間名字  
四悉檀中而論感應能所等而能應屬佛所應屬衆  
生能感屬衆生所感屬佛若更翻疊作諸語言世諦  
名字則亂不可分別雖作如此名字是字不住是字

無所有故如夢如幻云云問既善惡俱爲機者誰無善惡此皆應得益耶答如世病者延醫而有差不差機亦如有熟不熟則應有遠有近三明機感不同者卽爲三意一就四句論不同二就三十六句論不同三就十法界論不同但衆生根性百千諸佛巧應無量隨其種種得度不同故文云名色各異種類若干如上中下根莖葉等隨其種性各得生長卽是機應不同意也今畧言爲四一者冥機冥應二者冥機顯應三者顯機顯應四者顯機冥應其相云何若過去善修三業現在未運身口藉往善力名此爲冥機

也雖不現見靈應而密爲法身所益不見不聞而覺而知是名爲冥益也二冥機顯益者過去殖善而冥機已成便得值佛聞法現前獲利是爲顯益如佛初出世最初得度之人現在何嘗修行諸佛照其宿機自往度之卽其義也三顯機顯應者現在身口精勤不懈而能感降如須達長跪佛往祇洹月蓋曲躬聖居門闈如卽行人道場禮懺能感靈瑞卽是顯機顯應也四者顯機冥應者如人雖一世勤苦現善濃積而不顯感冥有其利此是顯機冥益若解四意一切互頭舉手福不虛棄終日無感終日無悔若見喜殺

壽長好施貧乏不生邪見若不解此者謂其徒功喪計憂悔失理釋論云今我疾苦皆由過去今生脩福報在將來正念無僻得此四意也二就三十六句論機應不同者前冥顯互論略舉四句若具足辨者用四機爲根本所謂冥機顯機亦冥亦顯機非冥非顯機冥是過去顯是現在冥顯是過現非冥非顯是未來如佛爲闡提說法云於一句中復爲四句所謂冥機冥應冥機顯應冥機亦冥亦顯應冥機非冥非顯應餘三機亦如是四四卽成十六句機旣召應應亦有十六句一機而感四應一應而赴四機機應各

爲十六合成三十二句就前根本四句便是三十六句機應也三就十法界論機應不同者祇約一人身業機具三十六約三業卽有一百八機約三世三業則有三百二十四一界旣爾十法界卽有三千二百四十機應不同就自行旣爾化他亦然合則六千四百八十機應此就歷別十法界如此若就十法界交互則增九倍都六萬四千八百機應也四明機應相對者卽有四意一明諸有苦樂與三昧慈悲相對二者機關等相對三者三十六句相對四者別圓相對諸三昧相對者諸機乃多不出二十五有諸應乃多

不出二十五三昧地獄有有善惡之機關無垢三昧  
慈悲之應論其惡者卽有黑業惡見思惡塵沙惡無  
明惡論善則有白業善卽空善卽假善卽中善是名  
地獄機也無垢三昧慈悲爲應者初脩無垢三昧觀  
地獄界因緣觀慈悲卽空觀慈悲卽假觀慈悲卽中  
觀慈悲以因緣觀時悲拔地獄黑業苦以因緣觀時  
慈與白業樂以卽空觀時悲拔見思苦以卽空觀時  
慈與無漏樂以卽假觀時悲拔塵沙苦以卽假觀時  
慈與道種智樂以卽中觀時悲拔無明苦以卽中觀  
時慈與法性樂是爲地獄有善惡之機以關無垢三

昧慈悲之應拔苦與樂相對義也二者機關相對者  
地獄界中黑業之惡有微義有關義有宜義如此三  
機卽關無垢三昧時慈悲有赴義有對義有應義地  
獄白業亦有六義相對卽空見思塵沙無明等善惡  
皆具六義相對云三者三十六句相對者地獄黑  
白業具有冥機冥應冥機顯應顯機顯應顯機冥應  
卽關無垢三昧慈悲冥顯四應赴於地獄見思卽空  
塵沙種智無明中道等皆具四機四應相對云又  
地獄有冥顯三十六機卽對無垢三昧三十六應云  
云四者別圓相對者若地獄有歷別之機三昧應卽

歷別若有圓普之機三昧應亦圓普若歷別機起三昧別應一有業謝餘有業未必謝三惡思盡餘有思未必盡地獄道種智明餘有未必明地獄佛性了了餘有未必了了若作圓機圓應者地獄自在業未究竟餘有亦未究竟一有見思未盡餘有亦未盡一有道種未明餘有亦未明一有佛性未了了餘有亦未了了了一有了了餘有亦了了乃至一有業自在餘有業亦自在分別地獄機應相對如上說餘二十四有機應相對例亦如是問頗有善機惡應惡機善應偏機圓應圓機偏應不答無方適時亦有此義淨名云

或時現風火照令知無常卽惡應於善也妙莊嚴信受邪惡三菩薩應爲妻子卽善應於惡圓機偏應者一切智願猶在不失不失卽圓機教聲聞法卽偏應也偏機圓應者先引三車後與一大領解云無上寶聚不求自得卽其義也拔樂與苦例此可知云云第五明麤妙者卽爲三意一明機之麤妙二明應之麤妙三明開麤顯妙一機麤妙者如樂聞地獄此樂因微善故立世毗曇云人養六畜飲飴溫清者在熱地獄得冷閒寒地獄得溫閒若從此義樂閒得論十法界機阿鼻無樂閒則無事善云何具十然阿鼻有性

法華三昧卷下  
善不斷故又近世雖無事善善遠劫或有惡強善弱冥  
伏未發若遇因緣發亦何定是故阿鼻得具十機卽  
判麤妙九界機爲麤佛界機爲妙麤機召方便應此  
機有熟未熟方便應有淺有深機熟者被應未熟者  
未應應淺深者如從無閒得之於閒出地獄至畜生  
出畜生至鬼出三惡至人天出人天至二乘等悉是  
機之生熟應之淺深悉屬麤機攝妙機召究竟妙應  
妙機亦有生熟妙應亦有淺深如慈童女在於地獄  
代人受罪卽得生天此乃妙機淺熟近在乎天耳其  
餘例可知二明應有麤妙者聖人慈悲誓願願持於

行如物有膠任運與機相著故慈善根力手出師子  
若無誓願雖觀苦樂不能拔與以慈力故隨機麤妙  
先熟先應後熟後應三藏通教等聖亦得有應但是  
作意神通譬如圖寫經紀乃成覈論無本何者灰身  
滅智無常住本約何起應若別接通別惑未斷亦不  
得應縱令赴物皆名麤應也若別圓兩教初心伏惑  
未能有應初地初住三觀現前證二十五三昧法身  
清淨無染如虛空湛然應一切無思無念隨機卽對  
如一月不降百水不升而隨河短長任器規矩無前  
無後一時普現此是不思議妙應也又如明鏡表裏

法華文義卷之十一  
清澈一像千像無所簡擇不須功力任運像似是名  
妙應此是相待論感應妙也三開麤顯妙者若九界  
機麤一界機妙未得法身應麤得法身應妙者諸大  
乘經華嚴等明麤妙相隔二乘不聞不解如瘞如聾  
無量義經明麤妙從一理出生無量麤妙機應一理  
爲妙生出無量爲麤此則從妙出麤隔而未合今經  
無量還爲一此則開權顯實祇麤是妙何者本顯一  
理作諸方便方便卽是真實故云凡有所作唯爲一  
事未曾暫廢譬如三草二木祇是一地所生卽是同  
源機一一雨所潤卽是同受應一愚者未解謂草木

四微永非是地智者了達四微生祇是地變四微滅  
祇是地還豈有草木而非於地耶此卽開權而顯實  
決了聲聞法是諸經之王九法界機皆佛界機四聖  
之應無非妙應也第六明觀心云○第七明神通  
妙者此爲四意一明次第二名數三同異四麤妙來  
意者前論機應止是辨其可生可赴之相若正論化  
用益他卽是三輪不思議化謂身輪口輪他心輪普  
門品但有二文而兼得三意遊於娑婆世界卽是身  
輪而爲說法卽是口輪如見蓮華大知池水深若見  
說法大則知智慧大故兩輪兼示他心輪也又化他

法華要義卷之二  
多示兩輪示心輪少從多但二故無心輪經言其見  
聞者悉皆得度也示身輪者卽是示藥樹王身如意  
珠王身示口輪者卽是示毒鼓天鼓此是慈悲熏於  
身口則有二身示現二鼓宣揚若示心輪卽是示隨  
自意隨他意等也亦是同於病行嬰兒行上辨機感  
相關而妙理難顯應須神通發動現於瑞相密表乎  
理世人以蜘蛛挂則喜事來鴉鵲鳴則行人至小尚  
有徵大焉無瑞以近表遠亦應如是二名數者諸經  
所出名數不同今且依六種謂天眼天耳他心宿命  
如意身通無漏等也此六皆稱神通者如纓珞云神

名天心通名慧性天心者天然之心也慧性者通達  
無礙也毘曇亦云障通無知若去卽發慧性也當知  
天然慧性與六法相應卽能轉變自在故名神通地  
持力品云神謂難測知通謂無壅礙此解與纓珞同  
天心卽是難測知義慧性卽是無壅礙義然此六法  
脩無前後證無次第用亦任時故衆經列次不同也  
釋論云幻術事是虛誑法法於草木誑惑人眼物實  
不變神通不爾實得變法使物實變如地有成水之  
理水有成地之義若金銀得火則融水遇寒則結火  
寒是融結法結則實結融則實融若得天然慧性則

法華經卷第六  
三十一  
實能如此變用自在所變水火令他實得受用而非  
其果報但是神通一時所作耳三明明神通不同者鬼  
道報得通人能服藥亦得通外道因根本禪亦發通  
諸天報得通二乘依背捨勝處一切處脩十四變化  
發得神通六度菩薩因禪得五通坐道場時能得六  
通通教菩薩因禪得五通依體法慧得無漏通別教  
地前依禪發五通登地發正無漏通任運常照不以  
二相見諸佛土圓教通者依今經及普賢觀以鼻舌  
兩根以爲六數菩薩處胎經同他心宿命入意根攝  
然經文明鼻通最委悉取其互用無壅舌根取四辯

無礙能以一妙音徧滿三千界而不取知味知味是  
報法經云諸根通利智慧明了也六根皆智慧卽互  
用意也今云六根之通不因事禪而發此乃中道之  
真真自有通任運成就不須作意故名無記化化禪  
不別作意故名無記任運常明如阿脩羅琴化復能  
化故言化化中道真通任運如此與餘通異論其脩  
習皆緣實相常住之理文云得是常眼根清淨旣言  
是常卽本性清淨常性無垢染毗曇婆沙云六入殊  
勝本自爾故鶖掘云所謂彼眼根於諸如來常具足  
無減脩了了分明見乃至耳鼻舌身意皆於諸如來

法華正義卷第十一  
四  
常具足無減脩了了分明聞知等也彼者於佛爲自  
於衆生爲彼衆生謂爲無常於如來是常也減脩者  
依禪而脩名爲減脩依實相脩名無減脩不見佛性  
名不了了見若見佛性名了了見又見實相理名了  
了識法界事各分明也見有二種一相似見二分真  
見相似者如六根清淨中辨論其真見如華嚴所明  
佛眼耳鼻舌身意也此經中亦明真身通相所謂普  
現色身示一切衆生所喜見身即是外身通也現身  
如琉璃十方諸佛悉於身中現即是內現身通也眼  
耳鼻舌等內外示現亦例如此是則圓教神通異於

前辨云問若以六根爲六通者云何功德有增減  
答大論四十二云鼻舌身同稱覺眼稱見耳稱聞意稱  
知三識所知爲一三識所知爲別而三識助道法多  
故別說三識不爾故合說又三識但知世間事故合  
說三識亦知世間亦知出世間故別說又三識但無  
記法三識或緣善惡無記等又三識能生三業因緣  
故別說也若例此義三根種種義強故有千二百功  
德三根力弱故但八百功德者蓋一途別說非經圓  
意正法華功德正等等千今經顯六根互用將三根  
足二百向三根而互用耳自在無礙能等如正法華

說能縮如身眼鼻之入百能盈如耳舌意千二百經  
云若能持是經功德則無量如虛空無邊其福不可  
限互用之意彰矣四明麤妙者若言神通度物非但  
變已身同其正報亦變已國土同其依報如纓絡云  
起一切國土應起一切衆生應也若應同正報者卽  
是示爲十法界像也若應同依報者卽是同十界所  
依處也若應同四惡趣者用觀惡業慈悲熏無記化  
化禪應作地獄等形質黑髮纏身猴狻鹿馬大鷲鷄  
烏脩羅等像各各皆見同其事業若應人天身者是  
用觀善業中慈悲熏無記化化禪作善道身如後身

菩薩正慧託胎墮地七步盥洗手足楊枝自淨納妃  
生子厭世出家乃至天像亦復如是各各皆見同其  
事業若應作三藏二乘者是用析空慈悲熏無記化  
化禪起老比丘像共僧布薩律儀規矩各各皆見同  
其事業若應通教者是用卽空慈悲熏無記化化禪  
作體法應觀無生習應苦空等悉不可得各各皆見  
同其事業若應別教者是用卽假卽中慈悲熏無記  
化化禪起漸頓應示脩恒沙佛法各各皆見同其事  
業若應圓教者是用卽中慈悲熏無記化化禪起圓  
頓應示脩一中無量無量中一皆各各見同其事業

法華經疏卷之一  
如是應同正報不可稱計可以意知不可以言盡云  
云若得此意往望漸頓五味教中用神通者乳教所  
用神力若多若少但表兩意一麤一妙三藏用神力  
若多若少但爲一麤方等用神力若多若少三麤一  
妙般若用神力若多若少二麤一妙此經神力若多  
若少唯爲一妙所以序品中瑞相有十咸皆表妙也  
地皆嚴淨表理妙放眉間光表智妙入于三昧表行  
妙天雨四華表位妙栴檀香風表乘妙四衆咸有疑  
表機見萬八千土表應此二明感應妙也地六種動  
表神通妙天鼓自鳴及而爲說法表說法妙天龍大

衆歡喜表眷屬妙又見佛子脩種種行表利益妙此  
用神變若少若多俱表妙也文云今佛入于三昧是  
不可思議現希有事現希有事是妙神通也若應同  
依報者有兩意若國土苦樂由於衆生非佛所作佛  
但應同而已若作折伏攝受者佛鑿機緣或作苦國  
或作樂國苦樂由佛不關衆生今且釋初意大論云  
有國土純聲聞僧或國土純菩薩僧或菩薩聲聞共  
爲僧或淨或穢何故差別皆由乘戒緩急若戒緩乘  
亦急亦緩者卽是穢土以聲聞菩薩共爲僧以戒緩  
故五濁土穢乘亦緩故是開三乘乘亦急故是顯一

法華七義卷之六十一  
七  
乘娑婆是也戒急乘亦緩亦急者淨土也戒急故土  
無五濁乘亦緩故開三乘亦急故顯一安養是也乘  
緩戒急者卽是淨土純聲聞爲僧此可知也戒緩乘  
急卽是穢國純菩薩爲僧此亦可知淨穢差別悉由  
衆生高下苦樂不關佛也若作伏攝義者國由於佛  
不關衆生佛以觀惡慈悲與無記化化禪合起於穢  
國折伏攝受四趣衆生也以善業慈悲與無記化化  
禪合折伏攝受兩趣衆生也佛以析空六度等慈悲  
與無記化化禪合或起於穢國或起淨國折伏攝受  
聲聞菩薩兩界衆生也佛以體空慈悲與無記化化

禪合或起淨國或起穢國折伏攝受通教聲聞菩薩  
兩界衆生也佛以歷別慈悲與無記化化禪合或起  
穢國淨國折伏攝受別界菩薩衆生也佛以卽中慈  
悲與無記化化禪合或起淨國或起穢國折伏攝受  
圓界菩薩衆生也如是種種爲國不同皆由如來神  
力轉變今將此依正轉變待三教作意神通悉各爲  
麤譬如圖畫盡思竭力終不似真名之爲麤若明鏡  
寫容任運相似名之爲妙方便神通譬如麤畫中道  
任運卽對卽應譬於淨鏡故爲妙也就無記化化禪  
所作神變自論麤妙若爲九界衆生用方便神力作

淨作穢若廣若狹悉名爲麤若爲佛法界衆生用眞實神力作淨作穢若廣若狹悉名爲妙如經放眉間光照萬八千土及三變土田比餘經神力何足爲多但爲開發大事故言妙也又約五味論麤妙者乳教一麤一妙酪教一麤生蘇三麤一妙熟蘇二麤一妙法華一妙又諸經妙同麤異麤有二種一難轉麤二易轉麤易轉者於諸經中已得爲妙難轉者今於法華無復兩麤但有一妙唯一大佛事因緣曾無他事假同九界神通衆生自謂他事於佛常是佛事客作自謂賤人長者審知是子此卽相待神通妙也又諸

經諸麤神通隔妙神通者今經皆開權顯實同妙神通是名絕待明妙神通此略記不周悉也○第八說法妙者諸法不可示言辭相寂滅有因緣故亦可說示前藥珠二身先以定動今毒天二鼓後以慧拔演說一乘無三差別皆悉到於一切智地其所說法皆實不虛是故次說法妙卽爲六意一釋法名二分大小二對緣同異四判所詮五明麤妙六明觀心釋法名者三世佛法雖多無量十二部經收聲無不盡先出達摩鬱多羅有七種分別體一相二制名三定名四差別五相攝六料簡七體一者經以名味章句爲

法華經義疏卷之六  
九  
體經無不然故體一也相二者長行直說有作偈讚  
頌兩種相別何者以人情喜樂不同有好質言有好  
美語故相別有二也制名三者脩多羅祇夜伽陀三  
部就字句爲名不就所表授記等八部不就所表又  
不就字句從事立稱方廣一部名從所表何者脩多  
羅等三部直說法相可卽名以顯所表如苦集滅道  
依名卽顯所表故就名以爲名也授記等經所表之  
法不可但以言說要寄事方乃得顯如授記經從事  
爲名止明行因得果道理託事彰事以言辨如法  
華中與聲聞授記彰一切皆當得成佛寄授記以彰

所顯故名授記經無問自說經者聖人說法皆待請  
問然亦爲衆生作不請之師故無問自說又佛法難  
知人無能問若不自說衆則不知爲說不說又復不  
知爲說何法故無問自說乃所以彰所說甚深唯證  
是以寄無問自說以彰所顯也因緣經者欲明戒法  
必因犯彰過過相彰現方得立制此亦託因緣以明  
所顯也譬喻經者法相微隱要假近以喻遠故以言  
借況寄況以彰理也本事本生經者本事說他事本  
生說自生因現事以說往事託本生以彰所表名本  
事經託本生以彰所行名本生經也未曾有經者說

法華要義卷之十一  
希奇事由來未有者未曾有也示法有大力有大利  
益託未曾有事以彰所表也論義經者諸部中言義  
隱覆往復分別得明所顯寄論義以明理也故授記  
等八經從事立稱方廣一部從所表爲名者方廣之  
理雖以名說而妙出名言雖寄事以彰然不可如事  
而取故不就名不就事就所表以爲名也定名有四  
脩多羅名線經經體是名字而名從況喻祇夜偈陀  
當體爲名授記無問自說論義等三經體事合目自  
餘從事也差別者脩多羅有九種經云從如至奉  
行一切名脩多羅是則脩多羅名通而體總皆名爲

經故名通就文字經體分爲十二部故體總也第二  
就總脩多羅中隨事分出十一部卽對十一部餘直  
說法相者是別相脩多羅三者論義經解釋十一部  
經是則十一部爲經本當知論所解釋前十一部皆  
是脩多羅又雜心中脩多羅品亦對論以經爲脩多  
羅又如婆脩槃馱解提婆百論論爲經本亦名論爲  
脩多羅又經云除脩多羅餘四句偈以爲偈經卽對  
四句偈經餘長行說者是脩多羅又云祇夜名偈頌  
脩多羅卽對祇夜頌偈所頌卽是脩多羅也又如分  
別三藏以敷置理教爲脩多羅對別毗尼阿毗曇也

法華玄義卷下  
三  
又如經說從佛出十二部經從十二部經出脩多羅對十二別教以通教爲脩多羅是九中初二偈亦是也偈陀者有四種如言法華有阿闍婆等偈涅槃二萬五千偈是則偈經復是通總若四句爲偈一字一句得名爲經非一字一句皆名爲偈但以聖言巧妙章句成就數句爲偈故通得名偈二除脩多羅餘四句爲偈三偈中重頌者名祇夜當知不重頌偈名爲偈經四如脩多羅通總隨事剋分別爲異部以直說爲脩多羅當知偈中亦隨事剋分若授記因緣等別爲異部以不隨事直爾偈說名爲偈經祇夜者名爲

重頌頌有三種一頌意二頌事三頌言頌意者頌聖意所念法相及事若頌心所念法相則名偈陀經若頌心所念授記等事則隨事別爲異經頌事謂授記等事亦隨所頌事別爲異經頌言者若頌隨事之言隨事別爲異經若頌直說脩多羅者名爲重頌祇夜經也授記者果爲心期名記聖言說與名授授記有二種若與諸菩薩授佛記蒞是大乘中授記若記近因近果是小乘中記也無問自說有二種一理深意遠人無能問二非不可問但聽者宜聞佛爲不請之師不請之師不待問自說也方廣有二種一語廣二

法華義疏卷下  
三十一  
理廣相攝者就脩多羅中出十一部若偈與直說相對言之脩多羅中得出九部但無二偈偈陀中得出十部但無直說脩多羅也祇夜中得出九部無脩多羅亦無偈經也料簡有無云釋法名者上起教中已說今標名互有不同翻譯多異今依大智論標名者一脩多羅此云法本亦云契經亦線經二祇夜此云重頌以偈頌脩多羅也三和伽羅那此云授記四伽陀此云不重頌亦略言偈耳四句爲頌如此間詩頌也五優陀那此云無問自說六尼陀那此云因緣七阿波陀那此云譬喻八伊帝目多伽此云如是語

亦云本事九闍陀伽此云本生十毗佛略此云方廣十一阿浮陀達摩此云未曾有十二優波提舍此云論義部者部別各有類從也經者外國云脩多羅此云線經線能貫穿經能經緯言能持法如線如經然阿毗曇雜心中說脩多羅五義者乃是彼論師解義非翻名也世俗亦對緯名經而訓經爲常如物經亘始終始終時別而物無改異不改異故名之爲常脩多羅者諸經中直說者謂四阿舍及二百五十戒出三藏外諸摩訶衍經直說者皆名脩多羅也祇夜者諸經中偈四五七九言句少多不定重頌上者皆名

法華經疏卷之六  
三十一  
祇夜也和伽羅那者說三乘六趣九道劫數當得作  
佛若後爾所歲當得聲聞支佛後爾所歲當受六趣  
報皆名授記夫授記法面門放五色光從上二牙出  
照三惡道下二牙出照人天光中演說無常無我安  
隱涅槃遇光聞法者三途中身心安樂人中瘡殘者  
差六欲天狀患欲樂色天狀禪樂光照十方徧作佛  
事還遶七匝從佛足下入是記地獄道躡入腔入臍  
入胸入口入眉間入頂入者是記佛道論不見記脩  
羅光當是開鬼道出脩羅從容在於腔臍之間耳伽  
陀者一切四言五言七九等偈不重頌者皆名伽陀

也優陀那者有法佛必應說而無有問者佛畧開問  
端如佛在舍婆提毗舍佉堂上陰地經行自說優陀  
那所謂無我無我所是事善哉是名優陀那又如般  
若中諸天子讚須菩提所說善哉善哉希有世尊難  
有世尊是名優陀那乃至佛滅後諸弟子抄集要偈  
諸無常偈作無常品乃至婆羅門品皆名優陀那也  
尼陀那者說諸佛本起因緣佛何因緣說此事脩多  
羅中有人問故爲說是事毗尼中有人犯是事故結  
是戒一切佛語緣起事皆名尼陀那阿波陀那者與  
世間相似柔軟淺語如中阿舍長譬喻長阿舍大譬

法華玄義卷之十  
喻億耳二十億耳譬喻等無量譬喻皆名阿波陀那  
伊帝目多伽有二種一者結句言我先許說者今已  
說竟二者更有經名一目多伽有人言因多伽目多  
伽名出三藏及摩訶衍何等是如淨飯王強逼千釋  
令出家佛選堪得道者五百人將往舍婆提令離親  
屬身子目連教化初中後夜專精不睡以夜爲長後  
得道還本國從迦毗羅婆林五十里入城乞食覺道  
路爲長時有師子來禮佛足爲三因緣說偈云說  
此三事本因緣故名一目多伽也闍陀伽者說菩薩  
本曾爲師子受獼猴寄鴈脇肉賀猴子於病世作赤

目魚施諸病者或作飛鳥救於法溺如是等無量本  
生多有所濟皆名闍陀伽也毗佛略者所謂摩訶衍  
般若經六波羅蜜經華首法華佛本起因緣雲法雲  
大雲如是等無量諸經爲得阿耨三菩提故說此毗  
佛略也阿浮陀達摩者如佛現種種神力衆生怪未  
曾有放光動地種種異相皆名阿浮陀達摩也優波  
提合者答諸問者釋其所以廣說諸義如是等問答  
解義皆名優波提合也佛自說論義經迦梅延所解  
乃至像法凡夫人如法說者亦名優波提合經也二  
明分法大小者此經指九部爲入大之本則九部是

小三部是大蓋別語耳通而爲言小亦有記荊六道因果又阿含中亦授彌勒當作佛記豈非授記經亦自唱善哉無問而說聲聞經中以法空爲大空故成論中云正欲明三藏中實義實義者空是阿毗曇所不申而成論申於空空卽廣經當知小乘通具十二部也故涅槃云先雖得聞十二部經但聞名字不聞其義今因涅槃得聞其義又云先雖得聞十二部經我意猶謂故不如是大涅槃經大品亦云魔作比丘爲菩薩說聲聞十二部經有經言大小乘各具十二部若信六部通大小乘不信六部互不相通按此

者卽是大小俱有十二部也但是小乘中說非大乘之義故別讓三存九何者小乘灰斷無如意珠身故無廣經假令以法空爲廣說之文小乘根鈍說必假緣無天鼓任鳴少無問自說雖有授記記作佛少又涅槃第七云九部中不明佛性是人無罪例此而言十二部中不明佛性是人有罪有人言大乘九部除因緣譬喻論義大乘人根利不假此三斯亦別論通語大乘何得無此三經耶有經言小乘但讓廣經一部有十一部無方廣者大乘說如來是常一切衆生皆有佛性正理爲方包富爲廣又理融無二亦名爲

法華玄義卷第六  
等聲聞中所無但十一部耳若言小乘定有九不應  
復有十一部既取十一亦通有十二爲緣別說或讓  
三或讓一以判大小乘 二云

妙法蓮華經玄義卷第六上

終

妙法蓮華經玄義卷第六下

天台智者大師說

三明對緣有異者緣卽是十因緣法所成衆生而此  
衆生皆有十界根性熟者先感佛知成熟未成熟者  
應不失時若衆生解脫緣未熟不可全棄對此機緣  
止作人天乘說不作脩多羅等名故天竺外典無十  
二部名亦無其意此間儒道亦無斯名意義皆闕若  
法身爲王示十善道亦不濫用此名故地持中說種  
性菩薩能自熟又能熟他有二乘種性及佛種性者  
隨濃熟之無種性者以善趣熟善趣熟者卽是其義

法華三昧卷之十  
種性熟者如下說若深觀行者妙得其意以邪相入  
正相用無礙辯約邪經外典作十二部義胡爲不得  
而非正對緣說也次約十因緣所成衆生有小乘根  
性對此機說通則十二別則或九或十一云若對  
十因緣所成衆生有菩薩機者不作別說但明十二  
部經今總論如來對四緣說十二部法有兩種四教  
不同一者就隱顯共論四教隱卽祕密教顯卽頓漸  
不定教祕密既隱非世流布此置而不論若對四法  
界衆生通說十二部別說或九部或十一部名漸法  
說也若對兩法界衆生通說十二部此說頓法也或

對四法界或對兩法界或作別說或但通說此說不  
定法也二者直就顯露漸教中更明四教者卽是三  
藏通別圓也三藏教直對三法界別說或九或十一  
通教對四法界通說十二部法也別教對兩法界通  
說十二部法圓教對一法界通說十二部法前以無  
記化化禪與諸慈悲合示現身輪或爲國師道士儒  
林之宗父母兄弟乃至猴猿鹿馬同事利益不可稱  
說今口輪說者例如前用諸慈悲熏無記化化禪種  
種不同百千萬法不可說不可說故龍宮象負滄海  
研山八萬四千法藏不可窮盡雖復無崖以十二部

往收罄無不盡也四明所詮者若委論其意出四教  
義中今略引詮意若說人天乘詮界內思議之俗永  
不詮真若爲漸教人別說九部十一部乃至通十二  
部者初正詮思議之俗諦傍詮思議之真諦中正詮  
思議之真諦傍詮思議之俗諦後正詮不思議之真  
諦傍詮不思議之俗諦也乃至雙詮不思議之真俗  
云若說頓十二部者正詮不思議之真傍詮不思  
議之俗若說不定者此則不可定判其詮若約漸中  
四教明詮者三藏正詮思議真傍詮思議俗若爲三  
藏菩薩者正詮思議俗傍詮思議真若通教二乘正

詮思議真傍詮思議俗若爲通教初心菩薩同二乘  
若爲後心菩薩正詮於俗傍詮於真若爲別教初心  
正詮界內之真俗傍詮界外之真俗若爲中心正詮  
界外之真俗傍詮界內之真俗若爲後心雙詮界內  
外之真俗若爲圓教初中後心圓詮界外不思議之  
真俗云五明麤妙者卽爲五一約理二約言三約  
所詮四約衆經五正約此經一就理妙者一切諸法  
無非中道無離文字而說解脫文字性離卽是解脫  
一切所說卽理而妙譬如龍雨雨而處處不同或水  
或火或刀杖理亦如是理具情乖順耳乖故爲麤理

法華玄義卷下  
三  
順爲妙二約言辭者如佛得道夜至泥洹夕常說般若常說中道而一音演法隨類異解一音巧說是則爲妙異類殊解自有麤妙三就所詮者若對六道衆生說人天乘者此詮有爲能詮所詮俱麤若對鈍根三藏五門詮於生滅四諦理此則能詮所詮俱麤若通教體法五門比於三藏析門體門能詮雖巧而所詮猶是真諦所詮亦麤若別教五門能詮爲麤所詮中道爲妙若圓教五門能詮所詮俱皆是妙也四就衆經者華嚴別詮圓三藏詮偏方等四種詮般若三種詮法華唯一詮又諸經詮妙與法華不異而帶

麤詮麤詮不得合妙是故爲麤法華不爾佛平等說如一味雨正直捨方便但說無上道純是一詮又云昔毀些聲聞而佛實以大乘教化又云汝等所行是菩薩道此則融麤令妙如此兩意異於衆經是故言妙譬如良醫能變毒爲藥二乘根敗不能反復名之爲毒今經得記卽是變毒爲藥故論云餘經非秘密法華爲秘密也復有本地圓說諸經所無在後當廣明云云五正就此經明妙十二部者如脩多羅各直說今經直說中道佛之智慧不說六道二乘菩薩等法唯說佛法故直說爲妙祇夜妙者重頌長行中道

法華正義卷之六  
四  
之說耳故知祇夜亦妙伽陀者如龍女獻珠喜見說  
偈孤然特起此偈明於刹那頃便成正覺稱歎於佛  
成菩提事喜見孤起歎佛容顏甚竒妙故知孤起伽  
陀妙也本事妙者卽是二萬佛所教無上道不教餘  
事卽是本事妙也本生妙者明十六王子生身生爲  
王子法身生爲佛子卽是本生妙也因緣者結緣覆  
講大乘繫珠不論小乘人天等緣是各因緣妙也未  
曾有妙者天華地動二眉間光三變土田等是不可  
思議未曾有事妙也譬喻妙者經題以法譬爲名譬  
於開三顯一何曾譬於餘事卽譬喻妙也優波提舍

妙者身子問佛佛答諸佛智慧門龍女智積問答論  
法華事智積云我見釋迦經無量劫方成菩提不信  
此女須臾成佛此執別疑圓龍女云佛自證知以圓  
珠獻佛此以圓答別此卽提舍妙也無問妙者如文  
云無問而自說稱歎所行道從三昧安詳而起告舍  
利弗說佛智慧又宿世因緣吾今當說卽是無問妙  
也授記妙者授三根佛記皆安住實智中爲天人所  
敬卽授記妙也方廣妙者其車高廣智慧深遠等卽  
是方廣妙也當知此經從初直說乃至優波提舍十  
二意足而皆是妙此卽待麤明說法妙也開麤顯妙

法華玄義卷下  
五  
者昔十二十一九部不說實者今無別實異昔不實  
昔但言廣不明理廣今開言廣卽理廣也開昔之異  
顯今之同卽是絕待明說法妙也第六欠觀心云云  
○第九眷屬妙者就此爲五一明來意二明眷屬三  
明麤妙四明法門五辨觀心所言次第者若無說而  
已說必被緣緣卽受道人也已受道故卽成眷屬譬  
如父母遺體攬此成身得爲天性天性親愛故名眷  
更相臣順故名屬行者亦爾受戒之時說此戒法授  
於前人前人聽聞卽得發戒師弟所由生也禪亦如  
是授安心法如教脩行卽得發定是爲我師我是弟

子慧亦如是說諸法門轉入人心由法成親親故則  
信信故則順是名眷屬也他土餘根皆利隨所用塵  
起之令他得益此土耳根利故偏用聲塵故二萬佛  
時教無上道十六王子覆講法華從是已來恒爲眷  
屬世世與師俱生或人天眷屬或三乘眷屬或一乘  
眷屬故身子云今日乃知真是佛子昔教五人得真  
無漏名佛子菩薩不發真名爲外人於法華發大乘  
解自稱昔日非真佛子今說一實之道從聞悟解法  
身得生從佛口生是聞慧中法身生從法化生是思  
慧中法身生得佛法分是脩慧中法身生三慧成就

法華玄義卷下  
是真佛子定於天性得成眷屬故次說法之後而明眷屬妙也二明眷屬者又爲五種一明理性眷屬二明業生眷屬三明願生眷屬四明神通生眷屬五明應生眷屬一理性眷屬者衆生如佛如一如無二如理性相關任運是子故云我亦如是衆聖中尊世間之父一切衆生皆是吾子此是理性不關結緣不結緣皆是佛子也二業生眷屬者但衆生理論皆子而飲他毒藥有失心者不失心者不失心者拜跪問訊求索救護與藥卽服故於大通覆講說妙法華得結大乘父子其失心者雖與良藥而不肯服流浪生死

逃逝他國卽起方便或作三藏結緣說生滅之法或作通教結緣說無生之法或作別教結緣說不生不生恒沙佛法或作圓教結緣說不生不生一實相法若信若謗因倒因起如喜根雖謗後要得度結緣已後以二十五三昧爲二十五有說三諦法而成熟之或於中間得度或于今未度雖復得度未度皆是眷屬今三藏佛於分段國出家成道往日三藏之緣或得度或未得度得度之者灰身滅智不復論生緣未度者來牽分段昔殷重信順今爲親識受道昔汎汎信順今爲踈外受道昔時拒謗今爲怨家受道甘露初

降先得服嘗早斷分段得出生死如大象捍羣俱證  
解脫如五佛子之流雖是異姓則是法親內眷屬也  
若不得道雖是宗族名外眷屬佛於其人則無利益  
若入滅度不復更生此人緣盡傳付後佛也三願眷  
屬者先世結緣雖未斷苦願生內眷屬中或怨家等  
因之受道若得道者成法內眷屬不得者成法外眷  
屬若佛滅度此人無益傳付後佛也四神通眷屬者  
若先世值佛發真見諦生猶未盡或在上界或在他  
方今佛分段作佛或以願力或以通力來生下界或  
爲親中怨輔佛行化斷餘殘惑而出三界若殘惑未

盡值佛入滅亦自能斷或待後佛云三藏不說界  
外生今以大乘意望之昔值佛得度三界生盡受變  
易身緣牽分段非是業生但是願通願通云何異約  
自報力名神通約教名誓願神通生者本受報處猶  
有報身以身通力分形來此若願生者報處無身願  
力下生耳三藏不說斷結誓願受生歿身不約此教  
論願通教則有誓扶餘習而生分段依通明願於義  
爲便此等未得法身故全無應生眷屬三藏眷屬竟  
往昔結無生緣者或已得道或未得道佛於分段作  
佛未得道者當處卽有業生上界向下卽有願通兩

法華玄義卷之二  
生分別願通如前說橫從他土來者卽有願通豎從  
方便來者亦有願通通教未得法身故無應生眷屬  
也往昔曾結別教緣者中間同事說法種種教詔或  
熟未熟佛今在分段作佛未得道者當處卽有業生  
上界向下得有願通橫從他方得有願通豎從方便  
來亦有願通豎從實報來者得有應生無明先破已  
得法身之本能起應入生死此則異前云往昔結  
圓教緣者中間調熟或得道或未得道今於分段作  
佛先緣牽來差別不同若未得道當處有一上界向  
下有二他方橫來有二方便來亦二實報來有一例

如前云問法身惑除理顯何故受生答應身受生  
其意有三一爲熟他二爲自熟三爲本緣一熟他者  
祇爲業生善根微弱不能自發諸菩薩等先雖得度  
愍彼迷闇慈力起應入二十五有而作師導引諸實  
行令向佛所若得真道成內眷屬同於應生若得似  
道同於願通不得真似令增進勝業皆使利益無有  
唐指如華嚴中說佛初託胎法身菩薩皆侍衛下生  
如陰雲籠月散降餘胎爲親中怨引諸業者當知諸  
眷屬非生在人摩耶是千佛之母淨飯是千佛之父  
羅睺羅千佛之子諸聲聞等悉內祕外現示衆有三

法華文義卷之二  
毒實自淨佛土諸親族等皆是大權法身上地豈有  
凡夫能懷那羅延菩薩耶復次外道怨惡抗拒誹謗  
當知皆是法身所爲何者轉輪小善出世無怨豈有  
無上法王怨仇滿路若於佛起惡惡道受罪何得灼  
然生生相惱龍象蹴踏非驢所堪調達是賓伽羅菩  
薩先世大善知識阿闍世是不動菩薩遮尼捷是  
大方便菩薩波旬是住不思議解脫故華嚴列衆明  
諸天龍鬼神悉住不可思議法門如是等若親中怨  
好惡逆順皆是法身先是法內眷屬今作應生眷屬  
若親中怨好惡逆順未得法身先雖結緣爲猶在法

外同稱願業等眷屬諸餘經典非不明此權利益衆  
咸謂是實內實外實好實惡實逆實順故經云未曾  
向人說如此事今經佛自開近權顯遠實開諸眷屬  
迹權顯本實故文云今當爲汝說最實事是名應生  
眷屬熟他故來也二爲自成來者法身菩薩進道無  
定或從生身進道或從法身進道故下涌出菩薩云  
我亦自欲得此直淨大法分別功德品中明增道損  
生卽其義也三爲本緣所牽本從此佛初發道心亦  
從此佛住不退地佛尚自入分段施作佛事有緣之  
者何得不來猶如百川應須朝海緣牽應生亦復如

法華文義卷之七  
是若別說者業生在分段願生通生在方便應生在寂光通論一處具有四種如實報已得法身能起應作四種眷屬就圓結緣者雖未斷惑自有三種眷屬就得道者卽是四也別眷屬亦四可知通藏結緣三種可知雖無應來之應得論感應之應就所應得名四義宛足問下方涌出妙音東來如大經中召請十方諸大菩薩集娑羅林大師子吼於四眷屬此是何等答是神通來非神通生是應來非應生是大誓願相關非願生是因緣相召如下方聞聲妙音見光是諸佛大事業來非業生業生者不能業來業來非是

業生願通生者不能願通來願通來者亦能願通生亦能應來應來亦能應生云三明麤妙者若三藏根性眷屬此性下劣昔結此緣緣亦淺小中間以法成熟成熟蓋少若來生佛國作內外眷屬業願通等乃至應來影響三藏佛者皆麤眷屬也通別根性乃至內外雖巧別有異準例可知皆麤眷屬也此經說諸衆生悉是吾子非客作人論其理性無非是子是各理性眷屬妙往昔覆講結緣繫珠二萬億佛教無上道經云若我遇衆生盡教以佛道若衆生無佛性者教以佛道過則屬佛若衆生皆有佛性迷惑不受

法華玄義卷下  
教過屬衆生一切有心皆當作佛闡提不斷心猶有  
反復作佛何難二乘灰滅滅智則心盡灰身則色盡  
色心俱敗其於五欲無所復堪而能世世遇之盡教  
佛道此則中間成熟妙今於法華普得作佛此希有  
事最上醫王變毒爲藥能治敗種無心成佛此則內  
外眷屬妙譬如臨陣爭勳前鋒第一佛說諸教収羅  
衆生而灰心二乘處處不入於法華忽然得入故涅  
槃逢指八千聲聞得授記新如秋収冬藏更無所作  
若法華不悟佛性涅槃不應逢指若衆生本無佛性  
往昔結緣不應教以佛道原始要終佛性義明可以

意得今問華嚴師頓極之教說一切衆生有佛性不  
若其有者二乘何不聞經授記作佛那忽如聾如瘖  
若言二乘本有佛性而忽忽取小如闍本根本根已  
敗爲可治爲不可治若可治何故不治若不可治那  
得復言一切衆生皆有佛性故知華嚴所不能治是  
方便之說法華能治是如實之說能治難治此處則  
妙所謂結緣妙成熟妙業生妙願生妙應生妙內眷  
屬妙外眷屬妙能受妙道影響妙事是故稱妙若將  
此意約五味者乳教有別圓兩眷屬一麤一妙酪教  
但一麤生蘇二麤一妙熟蘇二麤一妙法華無麤但

妙是名相待明眷屬妙也又開麤顯妙者諸經明麤眷屬皆不見佛性今法華定天性審父子非復客作故常不輕深得此意知一切衆生正因不滅不敢輕慢於諸過去佛現在若滅後若有聞一句皆得成佛道卽了因不滅低頭舉手皆成佛道卽緣因不滅也一切衆生無不具此三德卽是開麤顯妙絕待明眷屬妙也四明法門眷屬者此如普現菩薩問淨名居士父母妻子親戚眷屬吏民知識悉爲是誰奴婢僮僕象馬車乘皆在何所淨名荅云方便爲父智度爲母一切衆導師無不由此生法喜爲妻慈悲爲女善

心誠實男畢竟空寂舍弟子衆塵勞隨意之所轉道品善知識由是成正覺此法門以爲眷屬若爾者法門不同深淺有異若三藏法門觀真爲實觀假爲權以此二智滿卽名爲佛佛卽導師慈悲六道卽是女令他善順真諦名爲男得此法時喜名此爲妻此心中脩諸波羅蜜道品等卽是善知識也若通教中法門眷屬者觀諸法如幻如化體達卽空爲實分別四門同異爲權於此二智生解各導師慈愛衆生爲女令生善直心爲男行六度道品爲知識是爲通教中法門眷屬

云

若別教法門恒沙眷屬真俗合爲權

法華玄義卷之六  
智是父中實理爲母無量慈善無量道品諸波羅蜜  
通達無滯道種智分明觀機識藥卽是別教中眷屬  
故無量義云諸佛法王父經教夫人母和合出生諸  
菩薩子十住毘婆沙云般舟三昧父大悲無生母一  
切諸如來從此二法生實性論云大乘信爲子般若  
以爲母禪胎大悲爲乳母諸佛如實子闡提謗大乘  
障外道橫計身中有我障聲聞怖畏生外障支佛背  
捨利益衆生障菩薩脩四法爲對治脩信脩般若脩  
虛空定首楞嚴定脩大悲得清淨法界到彼岸見如  
來性生如來家是佛子也旣道見如來性生如來家

當知用如來爲父也無量法門不可說不可說皆能  
生佛子云若圓教法門明眷屬自行三諦一諦爲  
實化他一諦三諦爲權隨情一諦三諦爲權隨智三  
諦一諦爲實從此不思議生解一心具萬行之善爲  
男無緣大慈爲女開佛知見生喜爲妻非淨非垢等  
中道道品六波羅蜜爲善知識如是等實相圓極法  
門以爲眷屬初住之中便成正覺能入相化物卽是  
導師前來諸法門旣麤生諸導師亦麤今法門眷屬  
旣妙所生導師亦妙也用此意歷五味教者乳教一  
麤一妙酪教但有一麤生蘇有三麤一妙熟蘇有二

法華玄義卷之六  
八  
麤一妙法華但有一妙待麤意竟諸經妙者自妙麤者自麤今經非但妙者爲妙亦無復有麤結是前來諸麤悉皆決了爲一平等大慧妙法門也絕待意竟五觀心眷屬者卽爲六一愛心二見心四則四教也愛心眷屬者無明爲父癡愛爲母出生煩惱之子孫以貪著憶想欲得心中法門魔鬼便入如媚女思想邪媚媚之行人亦爾憶想偏邪邪物得入以鬼力故或生權解或生實解邪解生故鬼導師生起鬼慈善著邪法喜行邪六度道品得邪辯心明口利說諸法門卽愛心眷屬也邪相旣利發得四見見心推畫作

諸法門心所見處爲實同他爲權心起愛爲女心分別爲男如是心中脩六度爲道品是名見心眷屬何者此之見愛不識已心苦集妄謂道滅不知字與非字如蟲食木偶得法門之名有名無義豈非愛見耶若能觀心識愛見心皆是因緣生法無常生滅卽有四番觀心眷屬如中論偈云因緣生法卽空卽假卽中仍於四觀各明眷屬準前可知判五觀心爲麤後一觀心爲妙又決麤論妙人尚不自識已愛見心是因緣生何能識因緣心卽空卽假尚不識空假何能魔界卽佛界於見不動脩三十七品耶今觀愛卽是

法性觀見不動脩三十七品魔界見界即是佛界於  
非字中而能知字行於非道通達佛道於一切法無  
不是妙明事眷屬伏聽學文字人明法門眷屬伏行  
教人明觀心眷屬伏觀心坐禪人三種法門竝過其  
聞見云云○第十功德利益者祇功德利益一而無  
異若分別者自益各功德益他各利益云云此為四  
一利益來意二正說中利益三流通中利益四觀心  
中利益一利益來意者諸佛所為未嘗空過釋論云  
佛入王三昧前放光度前者後放光度後者譬如網  
魚前獲後獲見光聞法皆不唐捐淨名云法寶普照

而雨甘露卽身口兩益也華嚴思益竝云放光破慳  
破瞋破癡等具如彼說今經四大弟子領佛開三顯  
一之益佛言如來復有無量功德汝等說不能盡譬  
如大雲起於世間譬形益也興雷耀電譬神通益也  
其雨普等譬說法益也而諸草木各得生長卽是四  
種眷屬皆沾七益故次明利益妙也二正說利益又  
為三先論遠益次論近益三論當文益遠益者卽大  
通佛所十六王子助化宣揚雙擊毒天二鼓善生有  
淺深惑歟有奢促始人天善終至大樹淺益也始初  
心最實終後心最實深益也始破不善終破塵沙奢

法華女善卷之十  
八  
歿也始破無明終亦破無明促歿也歿之奢促是毒  
鼓之力善生淺深天鼓之力故文云破有法王出現  
於世隨衆生欲而爲說法卽二鼓之文義也破有義  
如前說說法益義今當說略爲七益一二十五有果  
報益亦名地上清涼益二二十五有因華開敷益亦  
名小草益三真諦三昧析法益亦名中草益四俗諦  
三昧五通益亦名上草益五真諦三昧體法益亦名  
小樹益六俗諦三昧六通益亦名大樹益七中道王  
三昧益亦名最實事益若二十五有因果益堪爲業  
生眷屬若真諦三昧體析益堪爲願生眷屬若俗諦

三昧五通六通益堪爲神通眷屬若中道王三昧益  
堪爲應生眷屬私謂應有四雙八益直是開前合後  
故言七益若開後合前亦是七益前後俱開卽是八  
益所謂中道次第益中道不次第益若前後俱合則  
是六益云云已略說七益竟今更廣開爲十益一果  
益二因益三聲聞益四緣覺益五六度益六通益七  
別益八圓益九變易益十實報益果益者卽二十五  
有果報益也有八大地獄謂阿鼻想黑繩衆合叫喚  
大叫喚焦熱大焦熱一一各有十六小獄爲眷屬合  
一百三十六所此正地獄在地下二萬由旬其傍地

法華經卷之七  
獄或在地上或在鐵圍山間傍輕正重重者徧歷百三十六中者不徧下者復減其中衆生常爲熱苦所逼不可具說聞者驚怖四解脫經稱爲火塗初入初出兩時可化其中罪人宿世善根可發關宜而爲聖人赴對應之或蒙光照或注雨滅火或調達婆數開示說法熱悶甦醒身體清涼復冥顯兩益諸苦得息八寒水謂阿波波等亦有百三十六所乃至得冥顯兩益溫煖適身是爲地獄果上得清涼益也畜生者略有三種水陸空陸有二品重者土內不見光明中者山林輕者人所畜養彊者伏弱飲血噉肉怖畏百

端四解脫經稱爲血塗其中衆生先世善根可發關宜聖人赴對應之得無所畏獲冥顯兩益是爲畜生果上清涼益也餓鬼者或居海渚或在人間山林中或似人形或似獸形重者飢火節餓不聞漿水之名中者同求蕩滌膿血糞穢輕者時薄一飽加以刀杖驅逼塞海填河四解脫經稱爲刀塗其中衆生先世善根可發關宜聖人赴對應之手出香乳施令飽滿獲冥顯兩益是爲餓鬼果上清涼益也阿脩羅者或居半須彌巖窟或大海邊或大海底與諸天爲憾恒懷怖畏雷鳴謂爲天鼓龍雨變成刀劔此中衆生先世

善根可發關宜聖人赴對應之輒言調伏獲冥顯兩  
益是爲阿脩羅果上清涼益也四天下人雖果報勝  
劣俱有生老病歿同是輕報泥犁其中衆生先世善  
根可發關宜聖人赴對應之令所離得離所求得求  
獲冥顯兩益也六欲天者地天別有脩羅鬪戰之難  
通有五衰歿相苦等地獄其中諸天先世善根可發  
關宜聖人赴對應之令獲冥顯兩益也四禪梵王無  
想那含等色天雖無下界諸苦而爲色所籠若命盡  
時不樂入禪風觸吹身唯除眼識餘皆有苦其中諸  
天先世善根可發關宜聖人赴對應之令獲冥顯兩

益也四空諸天雖無欲色界等苦如瘡如癩如瘰如  
箭入體成就細煩惱其中諸天先世善根可發關宜  
聖人赴對應之令獲冥顯兩益此清涼益合而言之  
蓋由凡聖慈善根力別而言之本出菩薩初觀二十  
五有所防之惡而起於悲觀二十五能防之善而起  
於慈以此慈悲熏王三昧不捨衆生赴對關宜令得  
利益大經明二十五三昧破二十五有者十番之一  
意略如此也二番二十五有脩因益者夫自他因果  
各隨義便互舉一邊說之則易前果報益處所時節  
不同不得一身備論諸益從多人多處易顯若明因

益一人之心起無量業其義易顯故約一人明二十五有因益也云何因益四因壞益二十一因成益或一因壞益一因成益二十三亦成亦壞益若無戒自制縱其身口作四趣業名地獄人若捨惡持戒名見天人但禁戒嚴峻遇緣動退則惡業還興或四重五逆焚毀塔寺此心生時惡起戒沒是業熟成必墮惡道欲離此心成就戒善此有可發關宜之機感無垢三昧赴對應之惡心豁破地獄因息得冥顯兩益云云今人雖入道場懺悔惡心不轉則惡業不壞惡業不壞得繩不斷罪不得滅也若慳貪譖媚邀射名聞

內無實德欲人稱美此惡起戒伏墮於鬼中若無慙愧負債不還無恭敬心憍慢瞋忿貪婪饕餮此惡起戒伏墮畜生道若嫉賢妬能爲勝他故而脩福力蛆毒惡心方便墜陷驚怖於他是惡起戒伏墮阿脩羅業欲離此三惡心成就戒善善有可發關宜之機聖用赴對應之惡心豁破戒善完具此名四趣因壞人天因成獲冥顯兩益此約人道脩因作此釋耳若約諸趣欲出地獄入畜欲出畜入鬼欲出鬼入脩羅欲出脩羅入人道皆傳傳有因因成業轉此例可知云

云若堅持五戒兼行仁義孝順父母信敬慙愧卽是

法華經卷之二  
人業人業有四品上中下下下若就果報閻浮提爲  
下下若就入道鬱單越爲下下或時善心歇末惡念  
唯強善有可成惡有可滅關宜之機聖用赴對應之  
四惡趣壞四品善成獲冥顯兩益云若脩持十善  
任運無間善心成熟卽天業故云純惡心無善念間  
者卽惡道業果時純苦故善惡相間起卽人業人中  
果報苦樂相間故十善任運成是天業天中果報自  
然故若脩十善兼起護法心卽四天王業若脩十善  
兼慈化人是三十三天業若脩十善其心細妙任運  
成熟行住坐卧不惱衆生善巧純續是餽摩業若脩

十善兼脩禪定攝心麤住細住者是兜率業欲界定  
是化樂業未到定破事障是他化業四禪是色界業  
兼於慈悲喜捨心數法中得定是梵王業滅心脩無  
心定是無想業問無想是邪見天云何爲機感荅大  
集云菩薩調伏衆生多種或邪或正行於非道通達  
佛道云若舊云聖人以兩片無漏夾熏一片有漏  
練成無漏今言九次第定熏脩有漏成無漏是那含  
業四空定是無色界業如是等二十一有患自地之  
苦麤欲脩出要所求不得所捨不離爾時卽名可發  
關宜之機感二十一三昧慈悲之力破其脩因令所

離得去所求得成拔苦與樂冥顯兩益此如經文云  
小草小根小莖小枝小葉而得生長是此益也合而  
言之蓋由凡聖慈善根力別而言之本由菩薩初持  
二百五十戒脩根本等禪於一一能防善法之中皆  
起慈悲慈悲本誓熏王三昧不捨衆生赴對關宜各  
得利益大經云二十五三昧破二十五有者十番之  
二意略如此云三番聲聞利益者若人厭患生死  
以死受生以生歸死勞累精神輪轉無際貪欲自蔽  
牽牛愛尾不得解脫故言若人遭苦厭老病死爲說  
涅槃盡諸苦際既厭心內決志求出離爲是事故脩

聲聞道若持戒時愛見羅刹毀損浮囊令戒不淨戒  
不淨故三昧不現前既無戒定無漏不發是故一心  
脩戒定慧有可發關宜之機感無垢等四三昧力加  
之今四趣業不起使戒清淨若均脩定慧慧若有定  
慧不狂定若有慧定不愚名之爲賢賢名鄰聖脩此  
定慧一心精進如救頭筊願樂禪慧如渴思飲而爲  
二十一有漏業之所擾亂若得諸三昧力加之定發  
觀明四善根成就伏道純熟一刹那轉即便發真成  
須陀洹破二十五有見諦煩惱八十八使是爲二十  
五三昧通加令斷見諦惑而復兼除四思故云第十

六心卽入脩道是其義也次入脩道若是超人一時用十三昧力加之破五下分思惟惑若鈍人隨其分斷思惑則分用三昧加之盡三界惑究竟真諦三昧益也此中草利益合而言之蓋由凡聖慈善根力別而言之由本慈悲初觀十法界中析空滅色之善因起弘誓熏王三昧不捨衆生致有中草利益大經明二十五三昧破二十五有者十番之三意略如此四番緣覺利益者若人宿善深利在無佛世厭患生死樂獨善寂觀深因緣文云曾供養佛志求勝法爲說緣覺此人大福可發關宜聖人赴對應之使其

華飛釧動獲冥顯兩益悟支佛道此猶屬中草利益也五番六度菩薩觀於四諦行六度行若行檀時人從乞頭索眼國城妻子心或轉動檀度不成自知是惡欲成檀善可發關宜之機蒙三昧力伏其慳蔽是破餓鬼有蔽心旣去歡喜布施如飲甘露知有爲法危脆無常是蒙心樂三昧冥顯之益也尸羅若成是伏毀戒蔽破地獄有是無垢三昧益也忍成伏瞋蔽破畜生有不退三昧益也禪成是伏亂蔽破人有是四三昧益也精進成伏懈怠蔽破脩羅有歡喜三昧益也慧成伏愚癡蔽破天有十七三昧益也六蔽是

六道業具出菩薩戒本以伏六道業故不爲諸蔽所  
惱得五神通遊於六道成六度行此卽上草益也通  
應如前別而論之由本觀十法界事中善惡而起弘  
誓熏三三昧不捨衆生云六番通人益者此是三  
乘共學人也若乾慧地性地八人見地卽是用二十  
五三昧益從薄地去至十地用二十一三昧加破思  
惑又侵除無知是名小樹益也總別慈悲例前可知  
云七番別人益者此是次第心中繫緣法界一念  
法界入十住得真諦三昧益入十行十迴向得俗諦  
三昧益入十地得中諦三昧益此即大樹之益總別

慈悲例前云八番圓人益者此是脩三諦一實之  
理一念法界繫緣法界若歷緣對境舉足下足無非  
道場其心念念與諸波羅蜜相應脩四三昧觀十種  
境可發關宜聖人赴對應之豁然開悟或似或真得  
冥顯兩益此是圓用二十五三昧圓加破二十五有  
顯出我性得究竟實事之益也九番變易益者此是  
方便有餘土人益也前八番中凡有四處或九處謂  
聲聞緣覺通教菩薩別教三十心圓教似解止破見  
思未除無明無潤無漏受方便生故下文云我於  
餘國作佛更有異名而於彼土求佛智慧得聞是經

卽是彼土入一乘也勝鬘云三人生變易土謂大力  
羅漢辟支佛菩薩等楞伽云三種意生身者一安樂  
法意生身此欲擬二乘人入涅槃安樂意也二三昧  
意生身此擬通教出假化物用神通三昧意也三自  
性意生身此擬別教脩中道自性意也通言意者安  
樂作空意三昧作假意自性作中意別圓似解猶未  
發真皆名作意故論云是時過意地住在智業中若  
發真可是智業未發真猶在意地是人生彼析法者  
鈍體法者利別人已習假又小利圓人先卽中最利  
既有利鈍之殊於彼脩學卽有次第不次第兩益又

是次第不次第用二十五三昧兩應也是爲九人生  
方便國始於彼土見諸有我性得最實益若分別而  
言謂方便土在三界外若卽事而真不必在遠下文  
云若能深心信解則爲見佛常在耆闍崛山共大菩  
薩聲聞衆僧圍遶說法卽方便土意也十番實報土  
益者卽實報土人益也八番中有兩人生方便土又  
二人悉破無明見實相者方得生彼但無明重數甚  
多雖三賢十聖住於實報報未盡猶有殘惑更用王  
三昧四十一番益之至於妙覺豎窮橫徧不生不滅  
不生不滅無明永盡智慧圓足故言不生不滅又機

感滿足利益究竟故言不生不滅若分別爲言謂實報在方便之外若卽事而真此亦不遠文云觀見娑婆瑠璃爲地坦然平正諸臺樓觀衆寶所成純諸菩薩成處其中卽實報土意也若麤妙機若別圓應若淨穢土若淺深益不出十番包括法界利益略周大意可見不俟繁文是爲大通佛所毒鼓損生聞有遠近處有奢促天鼓增道聞有遠近故令益有深淺致有業通願應諸眷屬利益也問初番已破二十五有得益竟則無有可破更無益可論何須至十番耶荅初破二十五果報苦獲果報益次破二十五因苦獲

脩因益次破二十五有見思苦得真三昧益次破二十五空令出二十五有假得俗三昧益次破二十五有有空二邊顯於中道王三昧益次破方便有餘土出二十五假得俗王兩三昧益次破實報土但深顯王三昧益三諦未了了者益意不息故有十番其義如是問三諦獨在極地亦得通凡荅如大品云衆生色受想行識又云無等等色受想行識仁王云法性色法性受想行識大經云因滅是色獲得常色受想行識亦復如是是則從凡至聖皆悉是有卽俗諦也淨名云衆生如彌勒如賢聖如一如無二如大品云

法華義疏卷之十  
色空受想行識空若有一法過涅槃者亦如幻如化  
此則凡聖皆空卽真諦也大經云二十五有有我不  
耶荅言有我我卽佛性佛性卽中道因緣生法一色  
一香無不中道此則從凡至聖悉皆是中道第一義  
諦問遠論利益經語還多第一云從久遠劫來讚示  
涅槃道生灰苦永盡我常如是說第二云我昔於二  
萬億佛所教無上道第三云宿世因緣吾今當說定  
據何文耶荅第一文直云從久遠劫來久遠之言信  
實杳漫而未顯本地或據中間第二直云昔曾二萬  
億佛所未判劫數久近難明將後文準望似如近

今論遠益取第三文以三千界墨東過千界乃下一  
點點與不點盡抹爲塵一塵一劫復過是數無量無  
邊百千萬億阿僧祇劫用此明文望二萬億佛所始  
爲昨日從是已來爲結大乘之首彼佛八千劫說經  
十六王子八萬四千劫覆講彼之經論文廣時深于  
時聽衆或可當座已悟或可中間化得或可近來化  
得咸至寶所受法性身爲應生眷屬內祕外現共熟  
衆生而作佛事淨名曰雖成道轉法輪而行菩薩道  
是此意也于時聽衆未得真實益若相似益隔生不  
忘名字觀行益隔生則忘或有不忘忘者若值善知

識宿善還生若值惡友則失本心是故中間種種塗  
熨或多以大乘熟或多以小乘熟生方便者雖說種  
種道其實爲一乘亦復皆令得至實所受法性身而  
於彼國被第九番十番真實利益如千世界微塵菩  
薩卽其流也斯等已究竟於前名久遠利益其中衆  
生于今有住聲聞地者更近論利益如後說

二六

妙法蓮華經玄義卷第六下



才三